

存策書之大體第一之五

五公朝覲始行則書皆稱如既成禮則稱朝在道而還書其復

成十三年三月公如京師

以上成公如京師者一朝天王也周禮大宗伯以賓禮親邦國春見曰朝夏見曰宗秋見曰覲冬見曰遇時見曰會殷見曰同大行人侯服歲一見甸服二歲一見男服三歲一見采服四歲一見衛服五歲一見要服六歲一見凡諸侯之邦交世相朝而已東遷諸侯不臣小國朝大國大國朝盟主而不復朝天王魯君再書朝王所一書如京師皆以晉故而非特朝也成公將會諸侯假道京師伐秦不可過天子而不朝故始行則書如京師凡內出朝聘但書如始行則書之未成禮之辭也據魯君如晉至河而復者不書臣如京師如齊不至而復者各一始行不果彼國必成其禮也此

氏說得之或謂魯之朝聘非誠非禮故但書如由不知策書之體也春秋存策書之大體以屬辭比事見得失而不以褒貶修辭此下書公自京師遂會諸侯伐秦則非特朝可見通十二公唯成公一如京師則魯君久闕朝覲之禮亦可見不待變文而後為義也如京師特書月明朝王為正與他如不同

僖二十八年五月癸丑公朝于王所蒙上冬壬申公朝于王所

以上僖公朝王所者二晉文踐土溫二會皆以天子在焉而諸侯就朝既成禮而後書故言朝凡朝王例日壬申其著例也踐土不日者與盟同日也溫會不月故朝王有日而無月也春秋有為下事月者此不為朝王月以見因會而朝非會則不朝也

僖十年春王正月公如齊 十五年春王正月公如齊 三十三年冬十月公如齊

以上僖公如齊者三二朝伯主一繼齊好也東遷諸侯大行人般

聘世朝之禮久廢唯以小朝大而已故隱桓莊之世小國之君往往來朝於魯而魯未嘗往朝大國以當時大國皆齊等故也桓公創霸之初未遑定制故莊公三如齊皆以事行至僖七年公子友如齊十年公如齊十三年公子友如齊十五年公如齊合傳三歲而聘五歲而朝之法蓋齊桓伯業既成之後會于葵毋始定其制以為諸侯朝伯主之禮與尚書周官六年五服一朝相類不自知其僭也僖十七年桓公卒故僅再朝而已晉文公伯業甫定而卒故僖公未嘗朝晉晚年一朝齊昭復脩齊好也凡公外如不月以四時首月行則書之不書至乃筆削之法說在後篇

文三年冬公如晉 十三年冬公如晉

以上文公如晉者二朝伯主也傳言晉文公季年諸侯朝晉衛虜不朝故文公元年晉襄伐衛二年亦以不朝來討公如晉晉人使陽處父盟公魯人取之經沒公如晉不書而處父去族以晉文伯

業之盛踐土之盟溫之會僖公皆在焉又嘗受其曹田嘗使大夫一聘一拜田而弗身朝之晉文卒乃朝齊文公即位亦聘齊以圖昏而不通晉好於是見討而朝以取辱則亦比而不周之過也此在存策書是體中為變例之四說見變文篇三年晉人悔其無禮於公請改盟公如晉五年公孫敖如晉六年行父如晉八月襄公卒其後公一如晉朝靈公十五年行父以齊難故如晉者再而晉侯受賂不克伐齊公遂舍晉而屈於齊矣此魯君於文襄世伯朝聘之實也而昭三年傳子大叔曰文襄之霸令諸侯三歲而聘五歲而朝豈文襄嘗舉齊桓之典而主盟日淺故諸侯有不盡從其令者乎文十五年曹伯來朝傳曰禮也諸侯五年再相朝以脩王命古之制也所謂古制既與周禮不合春秋之世小國朝魯魯朝大國近或一二年遠或十餘年或間世不朝遲速皆無常準左氏唯見十一年曹伯來朝至此又來適合 八叔五歲之數遂以其

說為傳而不知其制實始於齊桓爾又昭十三年叔向曰明王之制使諸侯歲聘以致業間朝以講禮再朝而會以示威再會而盟以顯昭明杜氏謂三年一朝六年一會十二年一盟凡八聘四朝再會王一巡守盟于方岳之下其朝聘之節大數故先儒以周禮大行人所職為得中蓋成周之禮非唯左氏不能詳當時名大夫如叔向亦不得其真也

宣四年秋公如齊 五年春公如齊 九年春王正月公如齊 十年春公如齊 夏公如齊

以上宣公如齊者五四朝一奔喪齊惠非盟主比值晉伯中衰宣公篡立以濟西田賂齊為平州之會以定其位故終身謹於事齊不朝聘不嘗與之會晉人止公以賂免不得與盟既葬故高廟比歲朝齊齊歸其所賂田又親奔喪臨歲不悅齊頃乃皆齊好善反覆皆以私也

成三年夏公如晉 四年夏公如晉 十年秋七月公如晉 十八年春公如晉

襄三年春公如晉 四年冬公如晉 八年春王正月公如晉 十二年冬公如晉 二十一年春王正月公如晉 二十八年十一月公如楚

以上成公襄公如晉者九朝盟主也襄公如楚者一晉楚之從交相見也成公即位為齊故城孫許及晉景明罕亦棘二年齊侯伐我值卻克有齊怨魯四卿同出會晉師大敗齊師于棠棠明罕表襄晉由此復振諸侯叛者皆服而魯自是專事晉矣成公朝景者三年拜汶陽之田四年特朝晉侯見公不敬歸而欲結楚以叛晉季文子不可而止蓋以齊侯既朝晉晉厚齊則薄魯也八年晉侯果使韓穿來言汶陽之田歸之于齊十年弔喪晉厲新立疑公貳於楚止公送葬侯使楚者還驗實公請受盟而歸晉悼公聞其

賢遽往朝之甫歸而士匄來拜朝襄公即位晉又先來聘故公朝悼者四三年始朝四年朝而聽政八年聽朝聘之數晉侯亦使士匄來拜公之辱蕭魚之後晉來拜師公復往朝悼公待諸侯有禮故公謹於事晉也晉平為魯故合諸侯同圍齊執邾子削其田以歸魯故二十一年公如晉拜師及取邾田末年晉楚合成趙武屈建會諸侯之大夫盟于宋請二國之從諸侯交相見公遂朝楚而及陳鄭許之君送楚康之葬于西門之外晉伯日衰而華夷相亂矣故如楚特書月以異之

昭二年冬公如晉至河乃復 五年春公如晉 七年三月公如楚

十二年夏公如晉至河乃復 十二年冬公如晉至河乃復 十五年冬公如晉 二十一年冬公如晉至河乃復 二十三年冬公如

晉至河有疾乃復

定三年春王正月公如晉至河乃復

六年十一月

以上昭公如晉者二昭公定公如晉至河乃復者六昭公如楚者一皆朝也昭公之世晉衰已甚然不敢不朝者晉承世伯之餘威其疆猶足以軋諸侯也楚靈齊華之召亦不敢不往者晉既以諸侯子楚魯不能拒也然公當晉景末年再如晉一不納者辭弟少姜也三朝晉昭再不見納再朝晉頃復不見納則以晉政多門而魯之土地人民皆三家有之晉人謂公不能為有無也據昭十二年穀梁傳曰季孫氏不使遂乎晉也左氏謂南蒯公子慙謀季氏慙告公而遂從公如晉晉人以取郟故辭公南蒯懼不克以費叛如齊子仲還及郊奔齊使晉人但以莒故二子何懼之甚唯季孫覺二子之謀恐公懼已于晉故私屬晉人使不納公此二子者所以叛且奔也穀梁此說必有所傳可補左氏之闕後公孫于齊一再如晉次于晉地之乾侯而晉人終不肯助公及國則由晉大夫知有季孫而不知有公故也定公受國季孫其見卑於晉也宜自

是終春秋魯君無外朝矣

公外如非朝則直言其事

桓十八年春公與夫人姜氏遂如齊

莊二十二年冬公如齊納幣二十三年夏公如齊觀社

以上桓公與夫人如齊者一莊公託事如齊者二古者諸侯非朝觀會同不踰竟春秋之初齊魯同等之國不相朝齊桓始伯亦不能得諸侯之朝桓公牽於淫妻莊公急取齊女故皆如齊傳曰君舉必書書而不法後嗣何觀策書實錄而善惡見矣此外唯莊公親迎以合禮入內逆女類昭公矣國在外如齊者再如晉者再非朝別見

夫人越竟始行則書皆言如以事往言其事

文九年春夫人姜氏如齊

以上夫人歸寧者一禮父母在歲一歸寧文公夫人出姜齊昭之

女當父母在而歸得禮之正然內女來寧得禮經言不書夫人專與君同故出入必書所謂存策書之大體也雜記言諸侯夫人奔喪之禮其詳春秋夫人無以奔喪書者而每以他事書其內亦多以他事書來蓋周衰禮廢久矣

莊五年夏夫人姜氏如齊師 十五年夏夫人姜氏如齊 十九年秋夫人姜氏如莒 二十年春王二月夫人姜氏如莒

以上夫人如齊師一如齊一如莒二文姜桓公夫人莊公之母也禮婦人無外事傳曰書姦也凡夫人行不月苟以王月行則書之

莊二年冬夫人姜氏會齊侯于禚為下 四年春王二月夫人姜氏享

齊侯于祝丘 七年春夫人姜氏會齊侯于防 冬夫人姜氏會齊侯于穀

以上夫人以事行者四時莊公幼不知有不共戴天之讎夫人因得託國事會齊侯內以愚其子外以遂其姦魯之臣子亂於疆齊

之勢而不敢議此敝笱載驅之詩所由作也金氏曰慶父叔牙季友皆桓公子而季友之祥慶父之材皆不在人下也故齊襄殺桓而以立莊為德姜又挾舅氏援立以固莊莊公而讎齊制母焉則三公子皆君也是以莊公俛首帖耳唯徇其母之欲蓋制於其母以立己為齊之德而不讎也

僖十七年秋夫人姜氏會齊侯于不

以上夫人以事行者一准之會魯取項齊人止公聲姜會桓公于不雖以國事行非文姜比而會諸侯非婦人之事故皆不以入盟

會類

諸侯相如告則書

桓五年夏齊侯鄭伯如紀 冬州公如曹

以上諸侯相如者二外相如不告兩君之好非有禍福勝敗之事也苟皆告而書之則亦不勝書矣齊侯鄭伯如紀欲以襄之紀書

婚姻國欲求接於魯故具其事以告州公如魯國危不復為將來
魯故亦先以告焉皆與相朝以為好者事畢而州公失國與絕侯
去國則同史皆承赴書之所以見二國危亡之故而不在于相朝
也說又見末篇

內大夫出聘始行則書皆言如

僖三十年冬公子遂如京師遂如晉

文元年夏叔孫得臣如京師

宣九年夏仲孫蔑如京師

襄二十四年冬叔孫豹如京師

以上內大夫如京師者四三聘一拜錫命也周制諸侯於天子有
見有貢而無聘問見謂大宗伯朝覲以下六禮貢請小行人春入
貢也聘問者上之所以交乎下也東遷小國於大國有朝則無聘
諸侯不朝貢天子而以聘禮上問如邦交諸侯之仇也如傳記晉

韓宣子聘于周辭曰晉士起將歸時事宰放王曰辭不失舊則
諸侯於天子言聘非舊制可知由周室既衰雖聘問之禮亦不能
常故左氏不復辯然不失為實錄也鄭氏因以釋周官特聘殷視
誤矣隱桓之世王室來聘者五來贈者一來求者二錫桓公命一
而魯君臣三世不身覲於王庭至僖公二十八年因晉文盟會始
兩朝王所又明年天王使宰周公來聘而魯始聘京師遂聘晉是
魯之朝聘天子皆以晉故也文公元年王使來會葬僖公來錫
公命故得臣如京師拜而王使又來含贈成風來會葬矣年公
孫敖如京師弔喪不至以幣奔莒而毛伯來求金於是得臣如京
師葬襄王宣公之世王使來徵聘故蔑如京師明年王季子已為
報聘來矣外傳載成公將朝王使叔孫僑如先聘且告而不書
者大夫從公例不書此為公行告朝非實聘傳言其事觀之禮意
是也觀春秋所書則王室懷諸侯有過於成周而魯之事固不能

比齊晉蓋下陵上替之日久矣自成至哀五君唯襄公與季叔孫
豹一如京師昭公末年叔鞅葬景王而止中國無伯則諸侯復敢
不復知有王室而王室亦絕意於諸侯也然說春秋者唯知朝聘
不行為有罪而不知聘問亦非諸侯事天子之禮則豈聖人制作
之意哉凡魯臣為弔喪會葬如京師者三別見

莊二十五年冬公子友如陳

以上內大夫如陳者一初交聘也周禮諸侯之邦交歲相問也
相聘也東遷禮廢隱桓之世無交相聘者凡為結盟致夫人通嗣
君而聘者左氏猶有所考然皆不報非交聘其禮不備故不答也
齊桓始伯魯與陳皆同盟于幽而陳相原仲與季友有舊故二十
五年春陳女叔來聘而冬季友即如陳報聘傳曰始結陳好也春
秋之初唯二國之聘得邦交遺意

文十一年秋公子遂如宋

成五年春仲孫蔑如宋

襄二年秋叔孫豹如宋 二十年冬季孫宿如宋

以上內大夫如宋者四皆聘也一為言蕩意諸而往故宋不答成
五年報宋聘襄二年通嗣君二十年報宋聘凡通嗣君不答聘故
宋元公立亦來聘以通嗣君也

襄七年秋季孫宿如衛

以上內大夫如衛者一報元年之聘也文成之世衛皆嘗一來聘
此年冬又來聘魯皆不報以其有故而非專聘也詳見衛使來聘

襄六年冬叔孫豹如邾

以上內大夫如邾者一傳曰聘而脩平也邾自宣成以來世朝于
魯襄四年魯屬鄆而邾人莒人伐鄆臧紇救鄆侵邾敗于狐貍六
年莒卒滅鄆魯知外患未已故釋怨以脩好于邾時襄公幼孟獻
子叔孫穆叔為政庶能克己者矣

七年秋公子友如齊 十三年冬公子友如齊 二十八年秋公子
遂如齊

文元年冬公孫敖如齊 十七年冬公子遂如齊

成十一年秋叔孫僑如齊

襄二十一年秋叔老如齊

昭九年秋仲孫矍如齊

定十年冬叔孫州仇如齊

以上內大夫如齊者九僖公初年二如齊聘伯主也末年及文元
年二如齊雖事曹猶不忘齊好且求昏也文末年一如齊晉伯中
衰齊懿要公為穀之盟故遂往拜盟也宣公之臣如齊者別見成
公自鞏戰後齊頃屢同盟會故僑如請脩前好齊復叛皆見魯
亦會晉圍齊齊怨深矣而齊莊新立同盟澶淵故叔老聘齊釋怨
備好也襄公末年齊景新立即使慶封來聘以通嗣君自是禮

意久曠故昭公初年孟僖子如齊傳曰殷聘禮也至夾谷之會齊
來歸田侯犯之叛齊又致郕故州仇如齊其後叔還葬景公蓋景
公末年更結魯以叛晉也凡魯臣以弔喪會葬出者別見齊大國
近魯而世為姻魯雖事晉不忘齊好事之宜也恃晉而慢齊以來
侵伐非禮非義危國喪師之道也至於叛晉則非一國之故矣

莊三十二年冬公子慶父如齊

文十八年秋公子遂叔孫得臣如齊 冬季孫行父如齊

宣元年夏季孫行父如齊 公子遂如齊 八年夏下公子遂如齊

至黃乃復 十年秋季孫行父如齊 冬公孫歸父如齊

以上內大夫如齊者八莊公薨慶父弑子般如齊為自託之計文
公薨遂與得臣如齊為殺適立庶之謀宣公立行父如齊納賂以
請會既會于平州而公位以定遂又如齊拜成此四臣六如齊皆
非為聘問出也為其事不合書故但言如時魯卿唯挾齊以固

柄國而不脩晉好故黑壤之會晉人止公公還事齊愈篤既身奔
喪又使貴卿會其葬行父既聘新君歸父又如齊謝伐邾而謀莒
汲汲然自結于齊以有惡於晉故也此魯臣之如齊與他公事盟
主厚姻隣者不同故別見于此

僖三十年冬公子遂如京師遂如晉 三十一年春公子遂如晉

文五年夏公孫敖如晉 六年秋季孫行父如晉 十五年春季遂行

父如晉 秋季孫行父如晉

宣十八年秋公孫歸父如晉

成六年夏公孫嬰齊如晉 冬季孫行父如晉 十一年夏季孫行父

如晉

襄四年夏叔孫豹如晉 五年夏叔孫豹鄆世子巫如晉 六年冬季

孫宿如晉 九年夏季孫宿如晉 十六年冬叔孫豹如晉 十九

年春季孫宿如晉 二十四年春季叔孫豹如晉 二十八年秋仲孫

羯如晉 二十九年冬仲孫羯如晉

昭二年夏叔弓如晉 冬季孫宿如晉 六年夏季孫宿如晉 八年

夏叔弓如晉 二十三年春叔孫婁如晉為下日 卒月

定六年夏季孫斯仲孫何忌如晉

以上內大夫如晉二十五僖之末年一如晉聘晉文也一如晉拜

曹田也文五年六年二如晉既改盟亟聘晉襄也十五年一再如

晉為齊難故告于晉而晉靈受齊賂不克伐齊魯遂屈於齊矣宣

公為齊所立不復聘晉其薨之年歸父一如晉欲以晉去三桓也

成公立遂背齊盟晉既敗齊于鞏於是君臣堅於事晉六年一如

晉命伐宋也一如晉賀遷也十一年晉厲新立一如晉報郤之

聘且涖盟也晉悼公立既使士匄來聘拜成公之朝襄公即位晉

又先來聘故襄公事晉尤謹其臣九九如晉四年報元年荀盈之

聘五年覲鄆世子於晉而鄆卒為莒滅六年如晉聽命也九年報

士甸拜朝之聘十六年會平公湫梁之後聘晉且言齊故也十九年同圍齊之後拜師也二十四年賀克藥氏也二十八年告將為宋之盟故如楚也二十九年報士鞅之聘也昭公之世三家益專公不得為政其臣五如晉二年報韓起之聘也致少姜之禮也六年拜莒田也八年賀虎祁也二十三年為取邾師晉人來討而往聽命也定公之世家臣柄國二卿如晉一獻鄭俘一報夫人之聘陽虎為之也凡拜田告難聽命雖伯國皆言如為其事不合書也以皆從伯之事故不別見

昭六年冬叔弓如楚

以上內大夫如楚者一莊文襄之世楚皆一來聘而魯不報說見後昭公之世晉益不競楚圍驕侈求諸侯於晉以會于申而魯不

至於使叔弓聘焉明年遠啓疆來召公矣如楚乞師別見

氏

莊二十七年秋公子友如陳葬原仲 二十八年冬臧孫辰告糴于齊
文二年冬公子遂如齊納幣

成九年夏季孫行父如宋致女

以上內大夫以事外如者四大夫越竟葬外大夫納幣致女使卿行皆非禮國無儲積而至於告糴其失政可知然事皆可書故直書以見其失納幣史不書使卿則書之杜氏曰成公逆夫人最為得禮而無納幣者文闕絕也蓋不知此義說見後宋使來納幣

隱五年夏公孫茲如牟

又六年夏季孫行父如陳

成八年春公孫嬰齊如莒

昭二十五年春叔孫婁如宋

以上內大夫外如非聘而不言事者四傳曰公孫茲如牟

文仲以陳衛之睦也欲求好於陳夏季文子聘于陳且娶焉慶伯如莒逆也季公若之姊為小邾夫人生宋元夫人生子以妻季平子昭子如宋聘且逆之今考陳自季友女叔交聘之後未嘗逆好使魯人果以脩好而聘陳無不報之理襄公之世聘宋者二一通嗣君一報其聘昭十二年宋元公立來聘以通嗣君而已昭公之世三家分魯聘晉聘楚之外無脩好姻隣之禮何能專聘于宋如季孫如陳叔孫如宋或因逆而私覲或因逆而聘則有之蓋季孫所娶者宋公之女則假君命以聘而逆焉亦因逆而聘也左氏謂二子皆因聘而逆非事實矣古無大夫冠禮而有其昏禮則大夫昏禮與士不同其書已亡不知得親迎與否禮重大昏而國卿非一人以君命行宜不為過禮大夫非君命不越竟詣於公而行故書子策見國卿出入之重也然不可直書逆女者嫌為君逆也季孫人臣而使卿逆疆僭甚矣以其事不可言故但言如也杜氏於

茲與通齊亦皆言因聘而逆乃非左氏之失魯於齊等之國非也聘結盟通嗣君未嘗專聘年莒小國何聘之有內臣書如不必皆聘明矣

定五年夏歸粟于蔡

以上歸粟者一不稱名氏者諸大夫非卿名氏不登于策則其所為之事而已蔡侯與諸侯同盟于卑黽而能以吳子啟楚師入郢時吳尚在楚魯以同盟故歸粟于蔡

九諸侯來朝皆成禮而後書故言來朝

隱十一年春滕侯薛侯來朝

桓二年春滕子來朝

文十二年秋滕子來朝

襄六年秋滕子來朝

哀二年夏滕子來朝

以上滕君朝魯者五自隱至襄勝之書至者三君隱至襄勝者未嘗來朝來朝隱桓者不見書卒以國小禮薄故自降而朝于魯元年卒即來朝文公者成十六年卒者不朝于魯其後朝襄公而與襄公同三駕之會且來奔喪者勝成公也於是魯亦使卿會葬滕悼公在位二十五年而不朝于魯昭公失政故也定公卒魯頃天來會葬朝哀公者勝隱也終三君魯皆會其葬周制諸侯朝覲玉帛以命數為節勝侯爵國微不能備禮而又近於魯不可不朝其大國之當朝者尚多故自貶其爵以來朝則當時小國所以事大者可知矣是時若杞若薛皆自貶其爵既貶其爵以事大國又雖量力以供伯主之政令每盟會則勝薛杞以次序筮邾下而滕最後亡唯薛自一朝隱之後終春秋不復朝魯

桓二年秋杞侯來朝為下會月
莊二十七年冬杞伯來朝

僖五年春杞伯姬來朝其子 二十七年春杞子來朝
文十二年春杞伯來朝
成四年春杞伯來朝 十八年秋杞伯來朝

以上杞君朝魯者六母來朝子者一杞侯來朝魯人以為不敬而入杞明年杞求成公會杞侯于郕又會杞侯莒子盟于曲池莊二十五年伯姬歸杞為德公夫人二十七年德公將來朝而先之以伯姬虐不敬也於是始降而稱伯信公五年伯姬來朝其子壽公欲朝嗣君而懼不見禮故姬與子來欲託其子於魯是年德公卒魯不弔伯姬所朝之子是為成公終身不敢朝魯卒又降而稱子矣二十七年其弟桓公來朝傳曰用夷禮故曰子公單杞杞不共也秋公子遂帥師入杞責無禮也據晉文叔侯曰杞夏餘而西東夷杞人以爵尊國貧雜用夷俗事或有之然魯人所謂不共無禮者直以其玉帛之將不備爾明年伯姬又來釋怨求平也杞雖先

代之後蓋微於滕薛每從盟會皆序滕薛下入春秋即為莒人伐取其邑其後非齊桓城緣陵以遷之國幾亡於淮夷豈有射殺奇以為禮者其來朝魯將以庇社稷也而魯反以兵入其國魯豈能庇杞者乎伯姬拳拳其夫託其子於魯庶幾魯能篤舅甥之好也當其身國且見破況後世乎僖公號賢君且不念姑姊妹况他君乎而僖之末年伯姬又來求婦當時小國之自結于大國者類如此亦可哀矣於是僖公女叔姬歸杞為桓公夫人而伯姬之卒亦不弔文十二年桓公為絕叔姬來朝再娶魯女亦稱叔姬後宣公以杞不朝伐之成四年為叔姬欲歸魯來朝叔姬來歸而卒又來逆叔姬之喪以歸成公末年自晉還杞桓復來朝問晉故公以晉君語之杞伯於是驟朝于晉而請為晉後晉以悼夫人故合諸侯城杞又使魯歸杞侵田於是杞文公來盟傳曰書曰子孫之也蓋始終稱伯者杞君自貶抑之意稱於他國皆然其間或稱子者

魯人之所卑也然杞自桓公而後稍能自彊既昏于曹世從盟主征伐雖不朝魯而終春秋六君魯皆會且莫不敢侵暴之矣
桓六年冬紀侯來朝

以上紀君朝魯者一紀國近齊而紀侯娶於魯時齊鄭合謀襲紀六年夏紀侯會公于成以謀齊難公不能救於是乎來朝請王命以求成于齊公又告不能無何紀季姜歸為天王后而魯主其昏蓋魯為紀謀意謂齊人必不敢滅王后之家爾齊僖雖彊橫猶知有天子終身不復圖紀其子兇惡無極故紀卒亡於齊魯亦無知之何也

桓九年冬曹伯使其世子射姑來朝

文十一年秋曹伯來朝 十五年夏曹伯來朝

成七年夏曹伯來朝為下事月

襄二十一年冬曹伯來朝

以上曹君來朝者四使其世子來朝一射姑來朝之明年曹君
魯會其葬自是終春秋書卒書葬者十一君射姑即莊公也亦集
羈莊三十二年卒不書九三世不朝于魯以方從齊桓之盟會也
一再朝文公曹文也朝成公者曹宣也又一世為負芻不來朝朝
襄公者曹武也自後至國三九六世皆不朝魯而昭定之世不卒
不葬者二君曹國於晉宋衛鄭之間自從齊桓盟會即班莒上鄭
下其朝事於魯如此則於諸大國可知矣而文十五年齊侯侵我
遂伐曹入其郭討其來朝於我也其後卒滅於宋則當時小國之
不二者亦幸而已

桓七年夏穀伯綏來朝鄆侯吾離來朝

以上穀鄆之君朝魯各一穀鄆皆近楚小國二年蔡鄭懼楚嘗會
于鄆以謀之遠慕上國同時來朝書見說見末篇鄆後為楚所滅
殺不知所終

僖十四年夏六月季姬及鄆子遇于防使鄆子來朝

以上鄆君見使來朝者一鄆子雖娶于魯而不敢來朝者微陋不
能成禮也於是僖公因季姬來寧責以鄆子不朝止季姬而絕之
故季姬遇鄆子使之來朝明年季姬再歸于鄆又明年卒鄆雖與
魯為昏而卒葬不見於經鄆君再世戕于邾人蓋小國之最微者
然魯後嘗屬鄆而鄆卒為齊滅魯亦不能存之也魯之力不足以
存姻隣小國而唯責其不朝來朝者又責以不敬策書實錄而僖
公不仁可見矣凡諸侯來朝恒不書月其有月者皆為一事書唯
此特月以異之又說見第二篇

僖二十年夏鄆子來朝

以上鄆君朝魯者一傳言鄆文王之子肅季之弟後不知終
襄七年春鄆子來朝

昭十七年秋鄆子來朝

以上鄭君朝魯者二鄭少皞氏之後也宣四年及齊侯平莒及鄭
莒人不肯則鄭近莒小國十六年鄭伯姬來歸則亦嘗結魯會
故宣公為之伐莒取向也成七年吳伐鄭鄭成八年晉以鄭事吳
會諸侯伐之晉悼公既以諸侯會吳人于戚於是鄭子始來朝也
宣元年秋鄭子來朝

成六年夏鄭子來朝為下日 卒月 十八年秋鄭子來朝為下日 慶月

襄元年秋鄭子來朝 二十八年夏鄭子來朝

定十五年春鄭子來朝為下 華月

以上鄭君朝魯者六鄭本魯附庸而國日以彊隱公初立及儀父
為蔑之盟既而為宋伐鄭桓八年伐鄭十五年鄭與季萇同朝于
魯十七年公及儀父盟于越既而及宋伐鄭故僖文之世鄭不來
朝僖伐鄭者三文伐鄭者一而後鄭亦伐我南鄭宣公之世小國
諸侯朝魯者皆不至而鄭子獨釋然來朝者時諸侯皆事魯而宣

公為齊所立不事晉而事齊鄭子獲且齊出也故獨來朝焉後又
朝成以繼好鄭宣既立即來朝明年又來朝嗣君蓋自宣以來於
一足再世無間於魯也西子雖紀收鄭復鄭敗于狐貍六年叔孫豹
如鄭聘且脩平鄭人問我有齊莒之勤我南鄭言為漢魯會
為我故執鄭子莒子鄭子歸而卒鄭悼之亦言為漢魯會
既合諸侯圖齊乃再執鄭子取鄭田以歸魯也言為漢魯會
矣二十二年鄭卑我來奔二十七年春魯公宣使使封來聘明年
鄭子亦來朝昭元年悼公卒魯會其葬昭之天年亦快來奔里
以魯來奔鄭莊公立三十四年不朝于魯定三年卒魯會其葬大
蒐于比蒲也鄭子來會公明年隱公來朝夏來奔魯隱桓之世其
曲在魯以聚暴寡也襄之初年其曲在鄭恃齊也鄭既削而其臣
多叛齊亦曰衰定哀之間鄭雖自卑以事魯而三家伐鄭不已入
鄭以鄭子益來春秋之世苟疆足以兼弱則無所不至也非齊與

吳伐魯以救邾則邾滅於此時矣

莊五年秋鄭黎來來朝

僖七年夏小邾子來朝

襄七年夏小邾子來朝

昭三年秋小邾子來朝 十七年春小邾子來朝

以上小邾之君朝魯者五小邾者邾之別封未命已來朝既受命又來朝間兩世乃來朝襄公而伯主盟會征伐無役不同矣昭三年傳曰小邾穆公來朝季武子欲卑之穆叔不可曰滕曹二邾不忘我好敬以逆之猶懼其貳又卑一睦焉逆群好也其如舊而加敬焉季孫從之觀此則當時大國之接小國一崇一庫在其好惡而已小邾微陋名謚無所考唯傳此年見之後又一來朝而止如知武子宋仲幾之言則小邾蓋服於齊宋

桓十五年夏邾公牟人葛人來朝

以上邾牟葛世子同時來朝稱人者一杜氏曰三人皆附庸之世子也其君應稱名故其子降稱人牟國今泰山牟縣葛國在梁國寧陵縣東北今按鄭黎來來朝稱名蕭叔朝公稱字知此稱人必非其君凡朝必以禮接於廟非諸侯不言朝曹伯使其世子來朝杞伯姬來朝其子皆是子代父來行禮知此稱人者亦是其世子凡來朝同時俱至必以先後行禮若滕侯薛侯是也陳氏項氏皆謂此與滕薛皆譏旅見自參以上貶人之非也傳言滕薛爭長曰非旅見隱以攝君不以禮即位不爵命大夫衛侯來會葬不敢見而謂隱僭天子之禮非人情也桓雖非實然次齊餽則用周車曹大子則以上卿當時號魯兼周禮謂桓僭天子之禮亦非人情也如莒雖僭王猶夏其會諸侯亦曰用齊桓而已楚猶不敢僭天子之禮以臨諸侯而况魯乎魯君朝而稽首於伯主晉人曰天子在而君辱稽首寡君懼矣齊侯稽首於魯君魯君拜齊人怒魯人

曰非天子寡君無所稽首稽首猶且不敢而况旅朝乎學者不知春秋有存策書大體之義泥於一字褒貶而失其情實至春秋遠矣

二十三年夏公及齊侯遇于穀蕭叔朝公

以上蕭君朝公者一蕭宋附庸初者其君之字未王命稱字者邾儀父是也蕭於魯本無朝事之禮時齊桓公與公在穀而蕭去穀近蕭君來就穀朝伯主因併朝公公在外故不言來國史主記君禮苟與吾君接雖在外必書或謂交譏之過矣

諸侯以事來言其事事不可書但言來夷狄言來

三十一年六月齊侯來獻戎捷

以上齊君來獻捷者一齊桓欲身下諸侯以成伯業故假獻捷至與國以成兩君之好說者謂齊侯實使人來非也若使人來當書齊人若其卿來當書名氏春秋以禮法脩辭苟非齊侯身來成禮

安敢直書齊侯來乎史亂名實應不至此經特書月亦所以異之也

襄二十一年冬滕子來會葬為下葬月

定十五年夏邾子來奔喪一秋滕子來會葬為下葬月

以上諸侯來奔喪者一來會葬者二喪禮諸侯相於遣人弔喪會葬而已奔喪臣子所施於君父助葬必執紼故非天子諸侯不親奔喪會葬東遷諸侯以事天子之禮事大國故魯宣公奔齊魯之喪魯葬皆嘗止魯君送葬子大叔對吉景伯曰晉之喪事敝邑之間先君有所助執紼矣則鄭伯嘗送晉侯之葬魯鄭既以此事齊晉則小國如邾滕亦以此事魯無足怪者然滕子來入葬而魯亦遣卿會其葬邾子來奔喪而魯反侵暴之已甚魯長滕卑邾有自來矣

成九年春王正月杞伯來逆叔姬之喪以歸

以上杞君來逆妻喪者一叔姬無罪而自絕于杞失婦人從一之
義杞伯以事魯故違禮逆出妻之喪以歸特書月者異其事也
隱元年冬十二月祭伯來

以上畿內諸侯來者一祭與魯同出周公故非王命而來其宗國
魯以王臣之禮接之故不言朝王臣無外交來不言朝與來聘不
言使同皆禮之所不得言也凡畿內諸侯來皆書月以別於列國
之君及他言來者

桓五年冬州公如曹六年春正月寔來

以上畿內諸侯自外來者一以王臣接故不言朝復於曹故不言
來奔承上文故不言州公古史簡奧若此傳言如曹遂不復則寓
於曹也杜氏云留魯不去非

僖二十九年春介葛盧來冬介葛盧來

襄十八年春白狄來

以上東夷小國來者二白狄來者一夷狄不能以朝禮見魯不願
受故不言朝書來與祭伯同而義異春秋不嫌同辭介葛盧不見
公亦書說在辭從主人篇

王使來聘皆稱使以事來者言其事在喪不稱使

隱七年冬天王使凡伯來聘 九年春天王使南季來聘

桓四年夏天王使宰渠伯糾來聘 五年夏天王使仍叔之子來聘

八年春天王使冢父來聘

僖三十年冬天王使宰周公來聘

宣十年秋天王使王季子來聘

以上天王使聘魯者七聘隱桓者桓王也周禮天子時聘以結諸
侯之好東遷諸侯不共王職而王室乃屢下聘雖下聘猶不享觀
於是乎有求聘求車之使矣莊公再主王姬之昏莊王嘗錫命桓
公而僖王無使至魯聘僖公者襄王也僖公兩朝王所而王使其

冢宰兼三公者來聘於是魯始上聘京師則以晉文之伯也文公
之世襄王錫公命歸成風含且贈且來會葬故不復下聘於是王
未葬來求金矣頃王匡手無使至魯定王來徵聘宣公乃使仲孫
蔑如京師明年王季子來報仲孫蔑之聘也成公之世定王志崩
不志葬而簡王且來錫公命靈王景王無使於襄昭定公之末敬
王使來歸服而已

定十四年秋天王使石尚來歸服

以上王使來歸服者一周禮大行人歸服以交諸侯之福入春秋
無歸服者蓋屢聘而不來錫命而不朝贈妾母會之葬而王命愈
褻固無以歸服為也自王季子來聘後王臣不至於魯則幣帛之
將命者不給而褒恤之典亦不足懷諸侯矣於是敬王使來歸服
王室之情可見也以歸服之書見春秋於王命無不書者矣來聘
歸服皆王者所得以交於下故皆不月以別於錫命來求弔葬之

非禮

莊元年冬十月王使榮叔來錫桓公命

蒙陳侯卒月

文元年夏四月天王使毛伯來錫公命

蒙葬傳公月

成八年秋七月天子使召伯來錫公命

以上王使來錫命三錫桓公者追錫也禮諸侯嗣位喪畢以主服

朝天子天子賜之黻冕圭璧謂之受命周官王命諸侯則大宗伯

備是也末世諸侯喪畢不朝有請命者而後有來錫命有生不請

命者而後有追錫之命追錫桓公者莊王也桓不朝聘天子而王

追錫之者桓身戕於齊而天子使魯主王姬之昏夏王姬至魯秋

築王姬館于外於是齊魯之仇始闢于天子故王追錫桓公命以

振恤之錫文公命者襄王也錫成公命者簡王也襄昭而後無復

錫命而傳載襄十二年靈王使劉定公賜齊侯命昭七年衛齊襄

皆喪于月且請命景王使成簡公如衛弔且追命襄公他國猶有

其事也其追命之辭曰叔父陟恪在我先王之左右以佐事焉
余敢忘高國亞國則追錫桓公亦此類錫成公命書月者例也凡
蒙上事月者以著例決之他皆倣此

隱元年秋七月天王使宰咺來歸惠公仲子之贈
又元年

會且贈 三月辛亥葬我小君成風王使召伯來會葬

以上王使來弔喪者二會葬者二周禮宰夫凡邦之弔事掌其戒
令與其幣器財用則諸侯告喪王室來弔有常制矣而春秋所書
唯此四事者魯不以時告喪也惠公之喪王室聞之而後來弔故
緩且併歸仲子之贈者黃先生曰惠公再娶時嘗請命于朝故王
室知有仲子惠公薨魯人不告喪于京師隱公攝立亦不請于天
子故王室併歸仲子之贈以警告之明其子之貴當立也僖公嘗
朝聘故王使來會葬文公欲追崇妻母而以成風之喪告于天子

故成風薨在前年十一月而正月王使即至又來會葬也魯於天
王葬有不會而成風之喪王汲汲然弔而會其葬以此見魯君之
喪或不告或告不以時則王室亦不以禮來弔爾王不稱天說在

變文篇歸贈含書月著例

隱二年秋武氏子來求賻

桓十五年春二月天王使冢父來求車

文九年春毛伯來求金

以上王使來求者三穀梁傳曰歸死者曰贈歸生者曰賻求賻以
平王崩而魯人遂不復會葬求車以桓王將崩備喪具也而桓王
七年始葬求金之歲叔孫得臣始會葬襄王以後無來求者矣
車書月求賻求金不月者非王命也

外臣來聘皆稱使私相為好不稱使

莊二十五年春陳侯使女叔來聘

公討衛二十九年拜城杞昭二年韓宣子為政而聘與國也
二十一年即位來聘通嗣君也晉自景而後始來聘魯之事伯
雖受魯朝聘而不報也

成四年春宋公使華元來聘 八年春宋公使華元來聘

襄十五年春宋公使向戌來聘

昭十二年夏宋公使華定來聘

以上宋使聘魯者四共公來聘二四年通嗣君時成公立未久故
報其聘八年聘共姬為將納幣因聘而納采也故魯不報襄十五
年平公來聘尋盟元公昭十一年即位來聘通嗣君也

文四年秋衛侯使甯俞來聘

成三年冬衛侯使孫良夫來聘

襄五年冬衛侯使公孫剽來聘 七年冬衛侯使孫林父來聘為下盟月

以上衛使聘魯者四成公來聘一成公見執於伯主幾不免焉

公為請於王與晉侯而釋之數年之間衛雖外患未已於是衛
服於晉國勢稍安而武子來聘以拜僖公之賜故魯不報衛定成
三年立來聘且尋盟衛侯來聘新君故七年報之而林父來聘且
尋盟凡尋盟之聘不報也

襄五年夏鄭伯使公子發來聘

以上鄭使聘魯者一鄭僖以二年即位來聘通嗣君也終春秋魯
未嘗聘鄭

文十二年秋秦伯使術來聘

以上秦使聘魯者一秦穆既使人來歸僖公成風之捷於是又來
聘且言伐晉故張氏謂其用遠交近攻之術終春秋魯不聘秦

莊二十三年夏荆人來聘

文九年冬楚子使椒來聘

襄二十年春王正月楚子使遠罷來聘

以上楚使聘魯者二楚成即位欲窺上國故來聘使介辭命未成禮魯不廟受故稱人齊桓方有事於楚故魯不報楚穆欲圖中國於是伐鄭而魯會魯救鄭故來聘始能成禮故書之同中國魯方事晉故不報襄公二十八年如楚楚康卒郊敖立又明年來聘以聘報朝也嫌於伯者故特書月以異之詳見謹筆夷篇
襄二十九年夏吳子使札來聘

以上吳使聘魯者一晉既通吳吳子餘祭欲窺上國故來聘未至魯而吳子弒於闞魯後雖服於吳然有職貢而無聘

大夫外臣以事來者言其事事不可書但言來

隱八年三月鄭伯使宛來歸柩

以上鄭使來歸魯地一九來歸田邑皆不月鄭莊以其先祖助祭之賜邑易田結魯為亂故月以異之

成八年春晉侯使欒穿來言汶陽之田歸之于齊

以上晉使來言者一晉景既得齊故使魯反所取田于齊歸田本合書史直文為韓宣子來言故也九來乞師有筆削別見

成八年夏宋公使公孫壽來納幣

以上宋使來納幣一昏禮有六一納采二問名三納吉四納徵五請期六親迎請期以上五者皆不應使卿亦不書于策當時以納幣方契成或有重其事而使卿者在春秋唯宋魯各一見蓋史以國卿納幣踰制書而非為志昏禮也傳釋華元來聘曰聘共姬也釋公孫壽來納幣曰禮也杜氏因謂昏聘不應使卿納幣應使卿皆循傳為說而非經意夫六禮之外豈復別有昏聘蓋華元因聘而納采既以聘行則重在聘自合使卿魯桓宣成皆娶于齊不書卿納幣苟應使卿而不使寧不獲戾于大國乎觀傳記晉侯執陳無字之事可見矣

僖二十一年冬楚人使宜申來獻捷

以上楚使來獻捷一楚成執宋公伐宋使來獻捷以威魯季子
文稱人筆削之法也凡變文皆別為篇

閔元年冬齊仲孫來

以上齊臣來者一時吾君幼不以賓禮接故不言使季友以兩臣
相見故不書名傳言其情曰省難史錄大體但言來比而觀之則
齊桓不早平魯亂以致閔公再弑其失自見

宣五年冬齊高固及子叔姬來

以上外大夫及吾女來者一內女非夫人歸寧不書此以高固偕
子叔姬反馬非禮書杜氏曰禮送女留其送馬謹不敢自安三月
廟見遣使反馬孔氏曰士昏禮婦車出於夫家諸侯嫁女自乘其
家之車故大夫以上有留車反馬之事留車妻之道也反馬婿之
義也唯高固不宜親行爾杜氏曰大夫非公事與妻出竟非禮也
時叔姬初嫁未合歸寧

外微者以事來但書人

文九年冬秦人來歸僂成風之襪

以上秦人來歸襪一策書之法凡大國之下大夫小國之卿皆稱
人二傳謂之微者秦穆始假弔贈以通好于魯來者非卿故書人
凡書人來曰不言使不以賓禮接也

莊六年冬齊人來歸衛俘

以上齊人來歸俘一文姜請于齊襄以說魯

文十五年十二月齊人來歸子叔姬

以上齊人來歸吾女為其夫人者一齊人終以王故許單伯請而
來歸子叔姬之錄其事與單伯如齊相為本末故與單出者異文

定十年夏齊人來歸鄆謹陰田

以上齊人來歸田一齊景會夾谷之後歸魯田結叛晉也傳言是
魯之會魯事齊歸汶陽之田故齊人來歸二邑杜氏曰二邑即汶

陽田也

事無專使不言來公在外受之言歸我

文十五年夏齊人歸公孫敖之喪

宣十年春齊人歸我濟西田

哀八年冬齊人歸謹及聞

以上齊歸內大夫喪一歸田二仲遂公孫嬰齊皆卒于外喪不
書者本以使出喪還無假君命公孫敖以奔出必有君命喪乃還
還史以君命書之而世卿之彊可見矣齊人爲子孟氏謀節棺
堂阜惠叔請於朝取而殯之故言歸不言來孔氏曰非有專使
來是矣齊惠以宣公事齊之專故還所賂之田公在齊受之故言
歸我齊悼以魯入邾以邾子益歸故取二邑至是魯歸邾子益及
齊平齊魯及遺人泄盟而歸一邑於魯無專使故亦言歸而已
生他義者非

春秋屬辭卷之五

春秋屬辭卷之六

新安趙訪學

存策書之大體第一之六

內特相盟內爲志書及外爲志書會

隱元年三月公及邾儀父盟于蔑

桓元年夏四月丁未公及鄭伯盟于越

文十七年六月癸未公及齊侯盟于穀

以上公及諸侯盟者三周官大司寇九邦之大盟約泄其盟書而
登之于天府大史內史司會及六官皆受其貳而藏之司盟掌盟
載之法九邦國有疑會同則掌其盟約之載及其禮儀訪謂周監
二代立法常關盛衰故盟約之禮掌於秋官而不廢春秋之有難
盟則大司寇之所泄其伯者之盟則假會同之禮而爲之皆私相
要結而不請於王亂世之事也隱攝位而欲求好於邾故盟桓
弒隱而自結于鄭故盟文公以齊侯見伐使襄仲請受盟皆魯志

也穀梁傳曰及者內為忘焉爾於內特相盟得之凡盟書曰者從其桓辭也魯與邾有疆場之交以大求小脩好息民乃事之宜故蔑盟不曰以別於穀盟之誥志與他盟之非義者凡公及伯主盟于其國及外臣盟及戎盟文同義異皆別是

隱六年夏五月辛酉公會齊侯盟于艾

桓十二年冬十一月丙戌公會鄭伯盟于武父 十七年二月丙午公會邾儀父盟于越

莊十三年冬公會齊侯盟于柯 二十三年十二月甲寅公會齊侯盟于扈

定十二年冬十月癸亥公會齊侯盟于黃

以上公會諸侯盟者六齊僖方合諸侯以樹黨故隱公會之盟明年又使其弟年來聘以結之則艾盟齊志也宋辭平而公會鄭伯盟以伐宋則武父之盟亦鄭志也邾既來朝又尋蔑盟而公會

盟則越盟邾志也齊桓結諸侯以圖伯師次于郎而魯不服于北杏公始會之盟則柯之盟齊志也公既如齊納幣及齊侯過穀而又會之盟于扈則扈之盟亦齊志也齊景結魯以叛晉既會于夾谷而公又會之盟則黃盟亦齊志也故皆稱會穀梁傳曰會者外為志焉爾於內特相盟得之凡盟以日不日見義唯魯桓之盟日月皆從其桓辭說見公會下柯盟魯無信特不月以異之扈盟從齊之志始定然離盟非伯主之事故書曰

內參盟以上皆稱會伯者之盟稱會蒙及會言諸侯盟荀無主盟稱及

桓十二年夏六月壬寅公會杞侯莒子盟于曲池 秋七月丁亥公會

宋公燕人盟于穀丘 十七年春正月丙辰公會齊侯紀侯盟于黃

僖二十五年冬十一月癸亥公會衛子莒慶盟于洮 二十六年春王

正月己未公會莒子衛甯速盟于向

昭二十六年秋公會齊侯莒子邾子杞伯盟于鄆陵

僖二十一年十二月癸丑公會諸侯盟于薄 二十七年十二月甲戌公會諸侯盟于宋

以上公會二國盟者五四國盟者一會諸侯盟不序者二九盟自參以上皆稱會彼為盟而我會之也故齊侯為鄆陵之盟雖為公故亦稱會而已謀納公而不克故不月與及齊大夫盟既同異其事也

莊二十七年夏六月公會齊侯宋公陳侯鄭伯同盟于幽

僖七年秋七月公會齊侯宋公陳世子欵鄭世子華盟于甯母 八年

春王正月公會王人齊侯宋公衛侯許男曹伯陳世子欵盟于洮

九年夏公會宰周公齊侯宋子衛侯鄭伯許男曹伯于葵丘九月戊

辰諸侯盟于葵丘 十五年三月公會齊侯宋公陳侯衛侯鄭伯許

男曹伯盟于杜丘 二十八年五月癸丑公會晉侯齊侯宋公燕侯

鄭伯衛子莒子盟于踐土

文七年秋八月公會諸侯晉大夫盟于扈 十四年六月公會宋公陳

侯衛侯鄭伯許男曹伯晉趙盾癸酉同盟于新城

宣十七年六月己未公會晉侯衛侯曹伯邾子同盟于斷道

成五年十二月己丑公會晉侯齊侯宋公衛侯鄭伯曹伯邾子杞伯同

盟于蟲牢 七年秋公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵 九年春王正月公會晉侯齊侯宋公

衛侯鄭伯曹伯莒子杞伯同盟于蒲 十五年三月癸丑公會晉侯

衛侯鄭伯曹伯宋世子成齊國佐邾人同盟于戚 十七年夏公會

尹子單子晉侯齊侯宋公衛侯曹伯邾人伐鄭六月乙酉同盟于柯

陵

襄三年六月公會單子晉侯宋公衛侯鄭伯莒子邾子齊世子光己未

同盟于雞澤 九年冬公會晉侯宋公衛侯曹伯莒子邾子滕子齊

伯杞伯小邾子齊世子光伐鄭十二月己亥同盟于戲 十一年夏公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋七月己未同盟于亳城北 十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子盟于澶淵 二十五年夏公會晉侯宋公衛侯鄭伯曹伯莒子邾子滕子薛伯杞伯小邾子于夷儀秋八月己巳諸侯同盟于重丘

昭十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘八月甲戌同盟于平丘公不與盟

以上公會伯者合諸侯之盟二十一會而不與盟者一凡伯者之盟亦稱會伯者為盟而公會之也故悉從外為志例其事略見後為凡桓文之盟不自葵丘踐土皆功業最盛之時故曰

盟恒曰其不日者皆有故也

僖五年秋八月諸侯盟于首止

以上諸侯盟不言公及者一承上文及會從可知也王世子不與盟故言諸侯齊桓不主會而主盟故不言公及諸侯會王世子序見後

定四年三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚五月公及諸侯盟于臯馳

以上公會王臣合諸侯侵楚及諸侯盟者一是會劉子之志晉不復主盟而劉子復不與盟故稱公及諸侯盟與葵丘但言諸侯盟平丘但言同盟者異文其不日亦以別於有伯之盟也

公如伯國受盟繹及

閔元年秋八月公及齊侯盟于落姑

文三年冬公如晉十二月己巳公及晉侯盟 十三年冬公如晉十二月己丑公及晉侯盟

襄三年春公如晉夏四月己亥公及晉侯盟于長檣

以上公及伯主盟者四莊公薨魯亂閔公幼季子在外齊桓以伯令召閔公至齊地盟以復季子其稱及者從受盟例也晉襄以魯不朝使陽處父盟公既而請改也故公如晉及晉侯盟十三年公如晉朝靈公且尋盟皆盟於其國都故不書地襄公即位晉悼即使人來聘故明年公朝而請盟晉侯去其國都以禮於公皆受盟於伯主故稱及季子身繫魯國社稷安危盟以復之事之宜也故落姑之盟不日以別於他君之受盟者

十四公與王臣外臣會盟稱會特相盟稱及

僖二十九年夏六月會王人晉人宋人齊人陳人蔡人秦人盟于翟泉以上公會王臣外大夫盟一王子虎孫踐土之盟故稱會內沒

而王臣與外大夫皆稱人諱公與王子盟也不日別於踐土也內諱公外稱人與後處父去族皆說見變文篇

文十年秋七月及蘇子盟于女栗

以上公及王臣盟一晉伯中衰頃王新立使大夫下盟列國九公與大夫盟雖沒公猶書日譏也王臣非仇故不日

文二年三月乙巳及晉處父盟

以上公如伯國及其臣盟者一傳曰晉人以不朝來討公如晉晉人使陽處父盟公以恥之處父去族說在襄冬篇九大夫仇盟書日者譏若兩君然為諱不書公見實也

成三年冬十一月晉侯使荀庚來聘衛侯使孫良夫來聘丙子及荀庚盟丁未及孫良夫盟 十一年春王三月晉侯使卻犇來聘己丑及

卻犇盟

襄七年冬十月衛侯使孫林父來聘壬戌及孫林父盟 十五年春宋

公使向戌來聘二月己亥及向戌盟于劉

以上外臣聘魯而尋盟者四晉使荀庚來聘且尋盟衛定使孫良夫來聘且尋盟晉厲公使欒穀來聘且尋盟衛獻使孫林父來聘且尋盟公皆與之盟于國都故不言地若去其國都而盟諸侯乃晉悼公所以謙接吾君者也宋共使向戌來聘且尋盟公去其國都與向戌盟于劉二家專魯君弱成自以為若夫比事考之則所尋之盟可見

莊二十二年秋七月丙申及齊高偃盟于防

以上公及外臣盟者一齊桓以魯莊請昏而先以高偃盟于防譏在外故沒公杜氏不知筆削之旨謂稱及為內微者當齊桓伯業已隆其貴卿何事與魯微者盟于魯地乎當從二傳為是

隱八年九月辛卯公及苦父盟于浮來

莊九年春公及齊大夫盟于訖

以上公及外臣盟稱及者二隱公特盟小國之臣故稱及均為仇故書曰當齊無君大夫盟納子糾事非所謹故書公既而桓公入子糾殺故不月以異之

公會諸侯使大夫盟

襄十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

以上公會諸侯而大夫盟者一穀梁傳曰諸侯會而大夫盟正在大夫也公羊傳曰信在大夫也大夫專盟於大夫而未有諸侯會而大夫盟者按左傳則大夫者晉荀偃宋向戌齊高偃鄭公孫薑也是皆疆家專國者故雖君會而大夫自盟以其君不能為有無也二傳之言蓋得春秋言外之旨不言諸侯之大夫者間無異事

公與夷狄盟稱及特會而後與盟稱及

隱二年秋八月庚辰公及我盟于唐

桓二年九月公及我盟于唐

以上公及我盟者二九夷秋舉號君臣同辭雖戎請盟亦稱及者
不屈中國從夷狄故以公及之隱盟則曰桓盟不日者桓弑侯康
繼隱好故不日以別之

成二年十一月丙申公及楚人秦人宋人陳人衛人鄭人齊人曹人邾
人薛人鄆人盟于蜀

以上公及楚人諸侯大夫盟者一蒙公會于蜀文言及傳曰初宣
公使求好于楚莊王卒宣公薨不克作好公即位受盟于晉會晉
伐齊衛人不行使于楚而亦受盟于晉從於伐齊故楚令尹子重
為陽橋之役以救齊及楚師侵衛遂侵我師于蜀孟孫請往賂之
以請盟楚人許之十一月公及楚公子嬰齊蔡侯許男秦右大夫
說宋華元陳公孫寧衛孫良夫鄭公子去疾及齊大夫盟于蜀說

見變文篇

七內大夫特與諸侯盟稱及稱會與君同

文十六年六月戊辰公子遂及齊侯盟于郟丘

成元年夏臧孫許及魯侯盟于赤棘

定三年冬仲孫何忌及邾子盟于拔

哀二年春王二月癸巳叔孫州仇仲孫何忌及邾子盟于句繹

以上內大夫特與諸侯盟稱及者四公子遂盟齊懿以緩伐魯之
師臧孫許為齊難故盟晉景結好求援二盟皆魯欲之定公即位
邾子益新立何忌盟以求好三家既同帥師伐邾取其田二子又
盟邾子以要之故四盟皆稱及內大夫盟諸侯皆不月邾子且
於齊句繹二家與邾已甚故皆日以異之

昭十一年夏仲孫纘會邾子盟于祿禚

以上內大夫特與諸侯盟稱會者一邾悼既釋怨來朝而魯會之

葬於是纓會邾子盟則是盟邾志也故稱會

六內大夫盟諸侯參以上稱會伯者是盟稱會與若同出疆送盟稱及非卿不稱名氏

桓十一年九月柔會宋公陳侯蔡叔盟于折折在

以上內大夫與二國之君盟稱會者一魯始嘗齊鄭既嘗來戰于郎鄭莊卒宋陳蔡盟于折而柔會之

文二年夏六月公孫敖會宋公陳侯鄭伯曹士穀盟于垂隴

成十八年十二月仲孫蔑會晉侯宋公衛侯邾子齊侯柯同盟于虛打以上內大夫與伯者之盟稱會二晉人既以處父盟公魯人恥之

故垂隴之盟宋陳鄭之君皆在而魯獨以大夫往晉悼公初立楚納宋魚石于彭城又侵宋悼公會諸侯于虛打以謀救宋時成公

夢死未葬故魯獨以大夫往

莊十九年秋公子結驪陳人之婦于鄆遂及齊侯宋公盟

以上內大夫出疆遂盟諸侯稱及者一公子結以送女至鄆遇齊宋將伐魯遂與二君盟以緩師故稱及大夫遂盟諸侯故不月

莊十六年冬十二月會齊侯宋公陳侯衛侯鄭伯許男滑伯滕子同盟于幽

以上內微者與伯主之盟稱會一公既盟齊侯于柯而二鄆之會不至此同盟于幽諸侯皆在而魯猶以微者行是以有公子結之盟三國西鄙之伐公羊作公會陳氏又謂諱不言以經傳事理推之皆非是

七內大夫特與外臣盟稱及稱會非卿不稱名氏

成十六年十二月乙丑季孫行父及晉卻僂盟于扈

以上內大夫特與外大夫盟稱及者一晉以僑如之譜執季孫行父舍于荅丘於是赦之而季孫及卻僂盟于扈故稱及

隱元年九月及宋人盟于宿

以上內微者及外微者盟稱及者一魯求成於宋故稱及殺攝
曰及內卑者也宋人外卑者也

文八年冬十月壬午公子遂會晉趙盾盟于衡雍
襄二十九年春王正月辛亥仲孫速會莒人盟于向

以上內大夫會外大夫盟稱會者二虜之盟公後至晉人來討襄
仲會趙孟盟于衡雍報虜之盟則是晉志也莒與邾更伐魯魯
之會晉以魯故執莒邾之君同圍齊之後又執邾子於是齊魯卒
齊莊與魯成莒失其恃而為向之盟故皆稱會

內大夫與外臣盟參以上稱會伯者之會別盟後至者稱及
以及既會而盟稱及盟于師稱及

僖十九年冬會陳人蔡人楚人鄭人盟于齊

以上內大夫與四國之臣盟稱會者一陳穆公請脩好於諸侯以
無忘齊桓之德故為是盟而魯會之

襄二在六月戊寅叔孫豹及諸侯之大夫及陳袁僑盟 二十一年秋
七月辛巳豹及諸侯之大夫盟于宋

以上內大夫因諸侯會盟別盟大夫後至者稱及以及者一既會
諸侯之大夫而後與盟稱及者一皆蒙上文其事別見

成二年秋七月齊侯使國佐如師己酉及國佐盟于袁婁

以上內大夫會戰盟于師稱及者一不言及以及間無異事案
戰序見後

內大夫與外臣盟稱會

文八年冬十月乙酉公子遂會雜戎盟于暴

以上魯臣會戎盟者一臣降於君故雖盟戎稱會

自外來魯盟稱來盟自魯往他國盟言蒞盟

襄二十九年夏杞子來盟

以上杞君來盟者一杞伯既因晉悼夫人治魯歸田懼魯之見惡

於是親來盟魯人賤之故降其爵

桓十四年夏五鄭伯使其弟語來盟

宣七年春衛侯使孫良夫來盟

以上來盟稱使者二鄭厲與公會于曹而未盟故使其弟來盟衛

成欲謀會晉故使良夫來盟夏五說見後闕文類來盟者例不月

閔二年冬齊高子來盟

文十五年三月宋司馬華孫來盟

以上來盟不稱使者二閔公弒齊桓使高子來盟立僖公時魯無

君季友接之以二臣相見故不言齊侯使無所致命也公羊傳曰

不稱使我無君也宋人將弒昭公而立公子鮑華孫為公子鮑來

盟非其君使來故不言宋公使無所受命也凡來盟不月華孫結

魯輔篡故特書月以異之

僖三年冬公子友如齊涖盟

文七年冬公孫敖如莒涖盟

昭七年春叔孫婁如齊涖盟

定十一年冬叔還如鄭涖盟

以上魯臣往他國涖盟者四凡涖盟皆盟其君來盟亦然齊桓公

為公會陽穀來尋盟故公子友如齊盟莒人來請盟故公孫敖

如莒盟昭公將如楚故使叔孫婁如齊盟魯及鄭平故叔還如鄭

盟凡來盟五涖盟四皆無交涖者唯哀八年臧賓如齊涖盟齊閔

丘明來涖盟二人皆非卿雖交涖史不書凡涖盟不月與來盟同

公特會諸侯自參以上必言故苟從可知不言故伯主之會

不言故避不主會言及以會

隱九年冬公會齊侯于防 十一年夏公會鄭伯于時來

桓元年三月公會鄭伯于垂 三年春正月公會齊侯于贏 六月公

會杞侯于郕 九月公會齊侯于謹 六年夏四月公會紀侯于成

十一年九月公會宋公子夫鍾 冬十二月公會宋公子闕 十二年八月公會宋公子虛 冬十一月公會宋公子龜 十四年春正月公會鄭伯于曹 十五年五月公會齊侯于艾蒙上 十八年春王正月公會齊侯于濼

以上公特會諸侯者十四皆春秋之初伯者未興諸侯起亂之事防為伐宋時來為代許垂假許田邾杞受兵而求成成紀來諮謀齊難夫鍾闕虛龜皆為平宋鄭曹與鄭突脩好艾謀定許皆非為國為民贏成昏于齊謹受姜氏濼與夫人如齊皆公妃匹失禮之事凡內離會不月唯魯桓之會皆月桓內弒其君兄而外構亂身戕隣國其盟會之失皆不足復議故從其恒法以別異之

宣元年夏公會齊侯于平州

定十年夏公會齊侯于夾谷

以上公特會諸侯者二宣公奪適以賂請會于齊以定其位而不

事晉夾谷齊結魯叛晉

隱十年春王二月公會齊侯鄭伯于中丘

桓二年三月公會齊侯陳侯鄭伯于稷以成宋亂 十五年冬十一月

公會宋公衛侯陳侯于袤伐鄭 十六年春正月公會宋公蔡侯衛

侯于曹

以上公會諸侯參以上四稷曰成宋亂袤曰伐鄭皆為會言故中丘曹下即有會伐之事從可知也凡內參會皆月有大夫則不月

定十四年五月公會齊侯衛侯于牽蒙上

哀十二年秋公會衛侯宋皇瑗于鄭

以上公參會諸侯者二時諸侯皆叛晉牽謀救范中行氏鄭辭吳而竊盟事可知也

莊二十七年冬公會齊侯于城濮

僖元年八月公會齊侯宋公鄭伯曹伯邾人于榿 十二年夏公會齊

侯宋公陳侯衛侯鄭伯許男曹伯于鹹 十六年冬十二月公會齊侯宋公陳侯衛侯鄭伯許男邢侯曹伯于淮 二十八年冬公會齊侯齊侯宋公蔡侯鄭伯陳子莒子邾人秦人于温 宣七年冬公會晉侯宋公衛侯鄭伯曹伯于黑壤

成十二年夏公會晉侯衛侯于瑣澤

襄五年秋公會晉侯宋公陳侯衛侯鄭伯曹伯莒子邾子滕子薛伯齊

世子光吳人鄆人于戚 七年十二月公會晉侯宋公陳侯衛侯曹

伯莒子邾子于鄆 十一年秋公會晉侯宋公衛侯曹伯齊世子光

莒子邾子滕子薛伯杞伯小邾子伐鄭會于蕭魚 十六年春公

會晉侯宋公衛侯鄭伯曹伯莒子邾子薛伯杞伯小邾子于溴梁

二十一年冬公會晉侯齊侯宋公衛侯鄭伯曹伯莒子邾子于商任

二十二年冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨 二十四年八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀蒙上 二十五年夏五月公會晉侯宋公衛侯鄭伯曹伯莒子邾子滕子薛伯杞伯小邾子

于夷儀蒙上

以上公與伯者之會十有五九伯者之會不言故從可知也其事


皆別見九公與盟主之會不月必無成事而後月詳見下篇及日

月篇

僖五年夏公及齊侯宋公陳侯衛侯鄭伯許男曹伯會于首止

以上公及諸侯會王世子者一王世子以儲君之尊出臨諸侯故

齊桓避不敢主會而率諸侯以會于世子故書及以會皆實錄也

公特會夷狄

哀七年夏公會吳于鄆 十二年夏公會吳于橐臯

以上公特會吳者一是時魯有職責於吳而猶以號奉者不以諸

侯之禮相接也

隱二年春公會戎于潛

以上公會戎者一

成二年冬公會楚公子嬰齊于蜀鵞

以上公會楚大夫者一事見變文篇

公會諸侯殊會夷狄言會以會不殊會言會以

襄十年春公會晉侯宋公衛侯曹伯莒子邾子滕子薛伯杞伯小邾子

齊世子光會吳子相

以上公會諸侯殊會夷狄一凡言會吳者皆其君從夷狄舉號例

以其稱號不典未能以中國諸侯之禮相接故諸侯自相與為會

然後會之所謂會又會也自晉厲公以大夫會吳至悼公遂以諸

侯會之皆欲通吳以撓楚

哀十三年夏公會晉侯及吳子于黃池

以上公會晉侯吳子不殊會者一以諸侯之禮相接故得稱吳子

兩主之故言及傳言吳晉爭先則不可言吳主會言魯職貢於吳

有豐於晉將半邾以事吳而如邾以事晉則魯蓋兩事吳晉九會

吳詳見謹革夷篇

公會杞伯姬

莊二十七年春公會杞伯姬于洮

以上公會其女為杞夫人者一伯姬以前二年歸杞至此會公于

洮冬乃歸寧皆為杞伯來朝先為之地也說者但譏莊公不當出

會其女而不知大不字小之失以至於此

公會及夫人會齊侯

僖十一年夏公及夫人姜氏會齊侯于陽穀

以上公及夫人會齊侯者一夫人雖齊女然兩君相見而婦人參

其間非禮也

諸侯迎會公

文十三年冬公如晉衛侯會于沓

公還自晉鄭伯會于

非

以上諸侯迎會公者二皆欲因公請成于晉

定十四年 大蒐于比蒲邾子來會公

以上諸侯來會公者一魯既結齊叛晉邾主齊故來會公以脩好
杜氏曰來而不用朝禮故曰會

公會外師

定八年夏公會晉師于瓦

以上公會外師者一齊師伐我晉士鞅趙鞅荀寅救我齊師已去
公遂會三卿于瓦卿非期會故以師為重成二年傳言公會晉師
于上鄆不書者四卿出師會晉衛以報齊怨幸而一戰勝齊遂使
禽鄭逆公勞師以臣召君不可為訓故削之以全國體在存後書
中為變例之五

九十一公會外大夫

襄二十六年夏公會晉人鄭良霄宋人曹人于澶淵

以上公會外大夫者一九公與外大夫盟則諱不言公此會則不
諱者盟則君臣同軌故諱公以遠恥會則君臣各在其位故直書
以見其失而已外大夫書人皆說見變文辨名實篇

九十二王臣會諸侯

莊十四年冬單伯會齊侯宋公衛侯鄭伯于郟

以上王卿士會諸侯一齊桓公始合諸侯假王命以示大順凡王
臣有諸侯之事皆以內辭書杜氏謂此以單伯會諸侯為文非也

九十三內大夫會諸侯

文元年秋公孫敖會晉侯于戚

宣十四年冬公孫歸父會齊侯于穀 十五年春公孫歸父會楚于

宋

昭九年春叔弓會楚子于陳

以上內大夫特會諸侯者四皆以事往晉侯疆戚田故公孫敖往會之楚子在宋歸父先會齊侯而後會楚子于宋者宣公方事齊故先謀於齊而後會楚也楚師滅陳故叔弓會楚子于陳

襄八年夏季孫宿會晉侯鄭伯齊人宋人衛人邾人于邢丘

以上內大夫會伯主者一悼公復伯使諸侯大夫聽朝聘之數

九內大夫會外大夫荀非天下之事則言故

文十一年夏叔仲彭生會晉卻欲卒遂

宣十五年秋仲孫蔑會齊高固于無棣

成五年夏叔孫僑如會晉荀躒于穀

昭三十一年春季孫意如會晉荀躒于適歷

以上內大夫特會外大夫者四彭生會卻欲謀諸侯之從楚者蔑會高固則齊晉既皆通楚而晉將徵會于諸侯也荀首如齊迎女

僑如餽諸穀意如出君晉人不能討使荀躒召意如至適歷欲其奉公以歸

襄二年秋仲孫蔑會晉荀躒宋華元衛孫林父曹人邾人于戚為下

冬仲孫蔑會晉荀躒齊崔杼宋華元衛孫林父曹人邾人滕人薛人

小邾人于戚 十四年冬季孫宿會晉士匄宋華閱衛孫林父鄭公

孫蕞莒人邾人于戚 十九年冬叔孫豹會晉士匄于柯 二十七

年夏叔孫豹會晉趙武楚屈建蔡公孫歸生衛石惡陳孔奭鄭良霄

許人曹人于宋 三十年冬晉人齊人宋人衛人鄭人曹人莒人邾

人滕人薛人杞人小邾人會于澶淵宋災故

昭元年春叔孫豹會晉趙武楚公子圍齊國弱宋向戌衛齊惡陳字

招蔡公孫歸生鄭罕虎許人曹人于號 十一年秋季孫意如會晉

韓起齊國弱宋華亥衛北宮佗鄭罕虎曹人杞人于厥愁 二十五

年夏叔詣會晉趙鞅宋樂大心衛北宮喜鄭游吉曹人邾人滕人薛

人小邾人于黃父

以上內大夫會外大夫者九一言故澶淵之會叔孫豹不書而外大夫稱人乃筆削之旨

九內大夫特會夷狄

哀六年夏叔還會吳于柤

以上內大夫特會夷狄者一

十內大夫會外大夫殊會夷狄言會以會同受命直言會之

成十五年冬十一月叔孫僑如會晉士燮齊高無咎宋華元衛孫林父

鄭公子鱄邾人會吳于鍾離

襄十四年春王正月季孫宿叔老會晉士匄齊人宋人衛人鄭公孫薑

曹人莒人邾人滕人杞人小邾人會吳于向

以上內大夫會外大夫殊會夷狄者二義與公會諸侯殊會夷狄

同內大夫會外大夫不月必會而又會夷狄然後月

襄五年夏仲孫蔑衛孫林父會吳于善道

以上內大夫外大夫會夷狄者一不曰會以會者一國之卿同受

命于晉不自期會也

十一君大夫出會諸侯無成事亦書

桓十年秋公會衛侯于桃丘弗遇

成十六年秋公會晉侯齊侯衛侯宋華元邾人于沙隨不見公

昭十三年秋公會劉子晉侯齊侯宋公衛侯鄭伯曹伯莒子邾子滕子

薛伯杞伯小邾子于平丘八月甲戌同盟于平丘公不與盟

文十六年春季孫行父會齊侯于陽穀齊侯弗及盟

以上公會諸侯弗遇者一不見公者一不與盟者一大夫會諸侯

不見與盟者一雖無成事史猶謹書之所以尊君重國也劉氏曰

春秋於魯事有可取者必為之諱君臣之禮也若我無失道而橫

逆所加則不諱故直書以罪諸侯

宣四年春王正月公及齊侯平莒及邾莒人不肯

以上公及諸侯平國不成者一無成事而書義舉上同且為公伐莒取向言故

九七 公及諸侯相遇

隱四年夏公及宋公遇于清

莊二十三年夏公及齊侯遇于穀 三十年冬公及齊侯遇于魯濟

以上公及諸侯遇者三簡禮相見曰遇何氏曰古者有遇禮為朝天子若朝罷歸卒相遇于途近者為主遠者為賓稱先君以相接所以崇禮讓絕慢易也當春秋時出入無度卒然相要非常遇也今按隱與宋公聞衛亂而相遇齊桓圖伯亦兩與公遇者桓公欲身下諸侯以成伯業故以簡便濟其勤勞

九八 公行無成事書次

莊三年冬公次于滑 八年春師次于郎以後陳人蔡人為師

以上公次者一諱公稱師者一次者師止會之名君行師從故君

所止舍亦言次其事至淺必無成事而後書傳言閔公次于郎待

季友不書者既書公及齊侯盟于落姑為有成事則信宿之次史

不復錄十二公行及往往曠月踰時使所次悉書亦不勝書矣杜

陳列皆不取

九 公失國書次書如書至書居書唁書圍邑取邑

昭二十五年九月己亥公孫于齊次于陽州 齊侯唁公于野井二

十六年三月公至自齊居于鄆 夏公圍成 秋公會齊侯莒子邾

子杞伯盟于鄆陵 公至自會居于鄆 二十七年春公如齊公

至自齊居于鄆 冬公如齊 公至自齊居于鄆 二十八年春公

如晉次于乾侯 二十九年春公至自乾侯居于鄆 齊侯使高張

來唁公 公如晉次于乾侯 冬十月鄆潰 三十年春王正月公

在乾侯 三十一年春王正月公在乾侯 夏晉侯使高躒唁公于

乾侯 三十二年春王正月公在乾侯取關

以上昭公孫于齊後書次者三書如者四書至書居者五書在者三書公會者一書唁公者三書圍邑者一取邑者一公已失國而詳錄其出處如此者臣無絕君之道公身繫國安危季孫雖叛公社稷宗廟臣民非公無所繫也當是時公令不及於魯魯史安能以時得公出處歲月如是之詳君臣交戰季孫豈以得於謀報者而詳命史氏於阻兵之日哉季孫背昭子之言不納公又魯鄭使潰而每歲賈馬歸從者之衣履于乾侯蓋欲信士鞅黨逆之言以欺晉君爾扈之會鞅曰季氏事君如在國杜氏註曰書公行告公至是也三十年公在乾侯服虔曰季氏閔而釋之所謂事君如在國是也若是則季孫士鞅之姦謀非唯足以欺時君而尚足以欺後世也春秋之作亂臣賊子猶能知而懼之而學者反以空言汨之也傳言季孫欲溝以篡魯為惡蓋皆以榮成伯之言而止魯之臣

子猶有人焉當定哀之間意如卒後史臣豈無職思其憂者乎昭公出處以補策書之闕乎公羊傳記孔子舉野井唁禮而曰其禮與其辭足觀矣當時士大夫從公如子家子所謂貌而出者猶衆有足徵也又按史記昭公奔齊魯亂孔子亦適齊當時之事見聞所及使魯史不追補之孔子脩春秋時亦特筆書之以誅季氏不臣之罪矣服杜之失不足深辯也

春秋屬辭卷之七

存策書之大體第一之七

新安趙汝學

內師公將稱公大夫稱名民微者不言將

隱七年秋公伐邾

莊二十六年春公伐戎

僖二十一年冬伐邾 二十二年春公伐邾 三十三年夏伐邾

文七年春公伐邾

宣四年春公伐莒 十八年春公伐杞

哀七年秋公伐邾

莊二年夏公子慶父帥師伐於餘丘

僖三十三年秋公子遂帥師伐邾

文十四年春叔彭生帥師伐邾

宣十年秋公孫歸父帥師伐邾

襄二十一年秋仲孫速帥師伐邾

昭十年秋七月季孫意如叔弓仲孫閱帥師伐莒

哀元年冬仲孫何忌帥師伐邾 二年春王二月季孫斯叔孫然帥師伐邾

孫何忌帥師伐邾 六年冬仲孫何忌帥師伐邾

襄九年秋伐邾

以上公伐者九大夫伐者九微者伐一皆小國九君將不言帥師古者君行師從言君將則師行可知大夫將言帥師師重大夫等也微者不言將者大夫非卿名氏不登于策公羊傳曰將者帶少言將將尊帥眾言其帥師君將不言帥師書其重者此策書之法通內外言之唯將卑師少稱人外與內異以本國之史不可復言某人故內微者不言將詳見辭從主人篇筆削之法外師雖君大夫將有變文稱人者唯內師悉從其恒稱蓋外變文以示義別內從其恒稱以見實為外可變而內不可變者凡內師兼他義者

此不序三家既分公室其三卿亞將俱出則特書月以見異常

莊十年二月公侵宋

定六年二月公侵鄭 八年春王正月公侵齊 二月公侵齊

成六年秋仲孫蔑叔孫僑如帥師侵宋

襄二十四年春仲孫羯帥師侵齊

定八年秋季孫斯仲孫何忌帥師侵衛

以上公侵者四大夫侵者三齊大魯小宋衛皆敵國雖有怨仇及盟主之命皆言侵與加兵小國異辭非史文矣趙伯循曰凡侵伐不書勝敗殺掠而還也陸氏曰主人不出戰也今按公親督戰大國故書月以甚之

莊九年夏公伐齊納子糾

以上公伐齊者一凡潛師掠竟曰侵聲罪致討曰伐此策書法通內外言之筆削之法外侵伐悉從其恒稱內師加小國皆言伐

加大國皆言侵蓋外從其恒稱以見實則內變文以示義乃內可變而外不可變者也當齊無君莊公與師以納子糾故直言侵蓋見變文篇

隱十年六月壬戌公敗宋師于菅

莊十年春王正月公敗齊師于長勺 夏六月公敗宋師于乘丘

十一年夏五月公敗宋師于鄆 僖元年九月公敗邾師于偃 冬十月壬午公子友帥師敗莒師于郟 獲莒挈

文十一年冬十月甲午叔孫得臣敗狄于鹹 昭五年秋七月戊辰殺弓帥師敗莒師于紛泉

以上內敗外師者八九敗皆不書侵伐以地之內外見之也敗諸外者我既侵伐彼國而又敗其師敗諸內者彼來侵伐我而為我

所敗不待書侵伐而可見矣外相敗及戰亦同凡大夫敗外師曰而公不日者國君不以善將為功殊之於大夫也其日者皆甚之既以臣會伐而公又敗宋師以自為功既得志於乘立而又御之於鄆以深其怨皆甚其事也

莊九年夏公伐齊納子糾八月庚申及齊師戰于乾時我師敗績

以上魯君伐齊納其公子及齊師戰敗績者一時齊桓已立桓言及齊師戰者魯納子糾不正桓之為君也

桓十七年夏五月丙午及齊師戰于奚

以上微者及戰一傳曰齊人侵魯疆疆吏來告公曰疆場之事姑盡所備事至而戰又何謁焉則及齊人戰者疆吏也此微者將不言其人之例

僖二十二年秋八月丁未及邾人戰于升陘

以上公及外微者戰一傳曰公及邾人戰于升陘我師敗績經不

言公與敗績但書及戰同數者乃筆削之法此與乾時及戰書
上文而此獨為筆削者彼是一事再見史有恒例此併兩事為一
役非復史文矣說見變文篇

內圍國邑及外師圍國

成三年秋叔孫僑如帥師圍棘

昭十三年春叔弓帥師圍費

定六年冬季孫斯仲孫忌帥師圍郚杜氏曰何忌不言何開文十年夏叔孫州仇

仲孫何忌帥師圍郕 秋叔孫州仇仲孫何忌帥師圍郕

以上內圍其邑者五凡內邑必叛而後圍之不書內邑叛說見後

篇

昭二十六年夏公圍成

定十二年十二月公圍

以上公自圍其邑

二昭公失國季孫以成拒師內叛也定公令

不行於大夫孟氏

君擁虛器之日久矣昭圍成不月異在國也詳見第六篇

哀三年冬叔孫州仇仲孫何忌帥師圍邾

以上內大夫圍國者

莊八年夏師及齊師圍郕降于齊師

以上及外師圍國者一變公言師乃筆削之旨

內入國邑公及諸侯入國

隱二年夏五月無駭帥師入極蒙外入國月

桓二年九月入杞

僖二十七年秋八月乙巳公子遂帥師入杞

以上內大夫入國者二微者入國一皆恃眾凌寡以俘掠為暴也

凡內臣入國不日僖公不念姑姊妹而入其甥國故書日

襄十二年春王二月季孫宿帥師救台遂入郚蒙我台月

以上內大夫救內邑遂入外邑者一

哀七年秋公伐邾八月己酉入邾以邾子益來

以上公因伐而入國者一伐邾乃季孫肥之意時公制於三家非有君將之實也

隱十一年秋七月壬午公及齊侯鄭伯入許

以上公及諸侯入國者一入國書公及蒙上文會時來與桓十二年及伐蒙上文會盟武父同例凡入國者皆破其國都制其民又遷其重器但不有其地故不言滅鄭既有許地而不言滅者以許叔居許東偏奉許宗祀也

百四公會伐會侵會圍會而及戰

桓十六年夏四月公會宋公衛侯陳侯蔡侯伐鄭

莊五年冬公會齊人宋人陳人蔡人伐衛

宣七年夏公會齊侯伐萊

以上公會諸侯伐者三桓公黨亂莊公為仇人伐宣公事齊也桓之會伐書月數其桓法與盟會同

莊二十六年秋公會宋人齊人伐徐

僖四年春王正月公會齊侯宋公陳侯衛侯鄭伯許男曹伯侵蔡潰

遂伐楚

成三年春公會晉侯宋公衛侯曹伯伐鄭 十年夏公會晉侯齊侯宋

公衛侯曹伯伐鄭二會伐皆為下事月 十三年夏五月公會京師遂會晉侯

齊侯宋公衛侯鄭伯曹伯邾人滕人伐秦 十六年秋公會尹子晉

侯齊國佐邾人伐鄭 十七年夏公會尹子單子晉侯齊侯宋公衛

侯曹伯邾人伐鄭 冬公會單子晉侯宋公衛侯曹伯齊人邾人伐

鄭

襄九年冬公會晉侯宋公衛侯曹伯莒子邾子滕子薛伯杞伯小邾子

齊世子光伐鄭 十年秋公會晉侯宋公衛侯曹伯莒子邾子齊世

子光滕子薛伯杞伯小邾子伐鄭 十一年夏公會晉侯宋公衛侯

曹伯齊世子光莒子邾子滕子薛伯杞伯小邾子伐鄭 秋公會晉侯宋公衛侯曹伯齊世子光莒子邾子滕子薛伯杞伯小邾子伐鄭

以上公會伯國伐者十有二起齊桓伐徐終晉悼伐鄭九公會伐不月會伯主攘夷秋則月自京師遂會伐則月

哀十年春公會吳伐齊 十一年夏公會吳伐齊為日 以上公會吳伐者二魯挾吳以敵齊春秋將終也

定四年三月公會劉子曹侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏子召陵侵楚

以上公會侵下會侵蔡已見上此為王臣合諸侯攘夷秋月 僖六年夏公會齊侯宋公陳侯衛侯曹伯伐鄭圍新城

以上公會伐國圍邑二桓公討鄭逃首止之盟 襄十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子向圍齊

莊二十六年秋公會宋人齊人伐徐

僖四年春王正月公會齊侯宋公陳侯衛侯鄭伯許男曹伯侵蔡蔡潰 遂伐楚

成三年春公會晉侯宋公衛侯曹伯伐鄭 十年夏公會晉侯齊侯宋公衛侯曹伯伐鄭二會伐皆為下事月 十三年夏五月公自京師遂會晉侯

齊侯宋公衛侯鄭伯曹伯邾人滕人伐秦 十六年秋公會尹子晉侯齊國佐邾人伐鄭 十七年夏公會尹子單子晉侯齊侯宋公衛

侯曹伯邾人伐鄭 冬公會單子晉侯宋公衛侯曹伯齊人邾人伐鄭

襄九年冬公會晉侯宋公衛侯 邾子滕子薛伯杞伯小邾子

齊世子光伐鄭 十年秋公會晉侯齊侯宋公衛侯曹伯莒子邾子齊世子光滕子薛伯杞伯小邾子伐鄭 十一年夏公會晉侯宋公衛侯

曹伯齊世子光莒子邾子滕子薛伯杞伯小邾子伐鄭 秋公會晉

侯宋公衛侯曹伯齊世子光莒子邾子滕子薛伯杞伯小邾子伐鄭
哀十年春公會具伐齊為日 十一年夏公會具伐齊戰月

以上公會諸侯伐者三其一桓公黨亂其一莊公為仇之役其一
宣公事齊會伯國伐者十有二起齊桓伐徐終晉悼伐鄭會宣伐

者二魯挾吳以敵齊春秋將終也凡公會伐不月會伯主攘夷秋
則月自京師遂會辰則月魯桓之會伐從其桓法與會盟同

定四年三月公會劉子晉侯宋公蔡侯衛侯陳子鄭伯許男曹伯莒子
邾子頓子胡子滕子薛伯杞伯小邾子齊國夏子召陵侵楚

以上公會侵一會侵蔡已見上此為王臣合諸侯攘夷秋月
僖六年夏公會齊侯宋公陳侯衛侯曹伯伐鄭圍新城

以上公會伐國圍邑一桓公討鄭逃晉止之盟
襄十八年冬十月公會晉侯宋公衛侯鄭伯曹伯莒子邾子滕子薛伯
杞伯小邾子同圍齊

以上公會圍一悼公末年齊已貳於晉伐我圍成悼公卒復伐齊
不已言高明諸侯所同疾非但盟主之意也從史文

十二年冬十一月丙戌公會鄭伯盟于武父十二月及鄭師伐宋丁
未戰于宋十三年春二月公會紀侯鄭伯已巳及齊侯宋公衛侯

燕人戰齊師宋師衛師燕師敗績
以上公會而及伐且戰者一會而及戰者一皆魯鄭同惡相濟之

事九公出會例月戰敗例日戰云公會紀鄭始行即言其
戰之日則戰罷乃告廟是也會紀鄭戰不言地說見變文為

百大夫會伐會侵會圍會而及戰
隱四年秋翬帥師會宋公陳侯蔡人衛人伐鄭十年夏翬帥師會

人鄭人伐宋
莊三年春王正月溺會齊師伐衛

文三年春王正月叔孫得臣會晉人宋人陳人衛人鄭人伐沈沈潰
宣十一年夏公孫歸父會齊人伐莒

宣十一年夏公孫歸父會齊人伐莒

宣十一年夏公孫歸父會齊人伐莒

成八年冬叔孫僑如會晉士燮齊人邾人伐邾

襄十四年夏叔孫豹會晉荀偃齊人宋人衛北宮括鄭公孫嘉晉人莒

人邾人滕人薛人杞人小邾人伐秦為下日十六年夏叔孫嘉鄭

伯晉荀偃衛甯殖宋人伐許

以上大夫會伐者八其事別見後篇內大夫不書族說在辭從空

人篇九內臣會伐不月溺以會仇讎抗王命月得臣以沈潰月

僖四年冬十二月公孫茲帥師會齊人宋人衛人鄭人許人曹人侵陳

以上大夫會侵一以伯主侵與國月

襄元年春

仲孫蔑會晉欒黶宋華元衛甯殖曹人莒人邾人滕

人薛人圍宋彭城

以上大夫會圍一會有宋人復言圍宋彭城說見特筆篇

成二年六月癸酉季孫行父城孫許叔孫僑如公孫嬰齊帥師會晉郤

克衛孫良夫曹公子首及齊侯戰于鞌齊師敗績

以上大夫會而及戰一齊間晉而伐魯戰敗衛師魯四卿各以師
會以一戰勝齊為功故曹無書大夫將者於是特書字首觀傳
言公會晉師于上鄆賜賈三卿五大夫命服而季文子以書之戰
立武宮則當時之情可見矣

○微者會伐言及

桓十七年秋及宋人衛人伐邾

僖四年秋及江人黃人伐陳

以上內微者及外微者伐國二凡內師無不與謀而出會者故君

大夫將皆言會必微者而後言及蓋會以合謀君與國卿之事也

及則受成命於國微者之事也義與內盟稱及稱會者不同經言

及伐唯此二事桓十二年及鄭師伐宋蒙上文公會盟莊八年師

及齊師圍郕諱公會不入此例說在變文篇

○內救公會救公會臣及救臣會救

僖十八年夏師救齊

襄十二年春季孫宿帥師救台 二十三年秋叔孫豹帥師救魯
以上內救二書師救者將帥師也凡事實錯見後篇者不盡
後倣此

莊二十八年秋公會齊人宋人救鄭

成七年秋公會晉侯齊侯宋公衛侯曹伯莒子邾子杞伯救鄭

襄五年冬公會晉侯宋公衛侯鄭伯曹伯齊世子光救陳

以上公會救三

僖十五年春公孫敖帥師及諸侯之大夫救徐

以上公會臣及救一齊桓公盟諸侯于牡丘遂次于匡使諸侯之

大夫救徐故內大夫言及蒙上文諸侯之會言是

文九年春公孫會晉人宋人衛人許人救鄭

以上內大夫會救一

夏公追

莊十八年夏公追戎于濟西

僖二十六年春公追齊師至鄆弗及

以上公追二啖氏曰追者寇已去而躡之也書法詳略說見後篇

師次會次

莊二十年夏次于成

襄二十二年秋 叔孫豹帥師救晉次于雍榆為下日 卒月

以上師次一 大夫帥師次一 杜氏曰次在事前次以待事也次在

事後事成而次也今按凡次皆以無成事書書救晉者為次雍榆

言故實不成救也成十六年傳我師次于督揚不書者公會于子

晉侯伐鄭以成事書也師行近者歷月遠或踰三時如乘書次將

不勝書矣

僖十五年三月公會齊侯宋公陳侯衛侯鄭伯許男曹伯盟于牡丘遂

次于匡

以上公會而遂次者一諸侯不親救徐故書次
襄元年夏仲孫蔑會齊崔杼曹人邾人杞人次于鄆
以上內大夫會次一傳曰次于鄆以待晉師

內大夫會城

襄二年冬仲孫蔑會晉荀躒齊崔杼宋華元衛孫林父曹人邾人滕人
薛人小邾人于戚遂城虎牢 二十九年夏仲孫羯會晉荀躒齊高
止宋華定衛世叔儀鄭公孫段曹人莒人滕人薛人小邾人城杞
昭三十二年冬仲孫何忌會晉韓不信齊高張宋仲幾衛世叔申鄭國
參曹人莒人薛人杞人小邾人城成周

以上內臣會而遂城者一會城者一曰遂城者會與城異地也城
虎牢本孟獻子之請晉悼能用謀也城杞晉平公為其母悼夫人
故城成周奉天子之命以紓諸侯之戍

王師令必及魯而後書

五年秋蔡人衛人陳人從王伐鄭
六年春王正月壬子突救衛 十四年春齊人陳人曹人伐宋
單伯會戕宋

以上諸侯從王伐國者一王人救者一王臣會伐者一據傳隱五
年王使尹氏武氏伐翼王命虢公伐曲沃桓四年王師秦師圍魏
之類皆不見於經者事在西方今不至於魯也陳氏以為筆削之
旨誤矣隱九年鄭人以王命來告伐宋時鄭伯為王左卿士王臣
不出王師不行故但書公會齊侯鄭伯暉帥師會齊鄭伐宋而已
至三國從王伐鄭始見於經而不書天王以諸侯伐鄭者王命不
至於魯三國以從王伐鄭來告也齊人合諸侯抗王命以納朔魯
亦與焉於是救衛之令始及於魯齊桓伐宋圖伯請王命以示大
順史乃得而書之王人書字說見特筆篇

外師加魯四境言其鄙直逼國都言伐我

莊十九年冬齊人宋人陳人伐我西鄙

僖二十六年夏齊人伐我北鄙

文十四年春邾人伐我南鄙 十七年夏齊侯伐我西鄙

成二年春齊侯伐我北鄙

襄八年夏莒人伐我東鄙 十年秋莒人伐我東鄙 十二年春莒

伐我東鄙圍治鵬下 十五年夏齊侯伐我北鄙圍成 秋邾人

伐我南鄙 十六年春齊侯伐我北鄙 秋齊侯伐我北鄙圍郕

十七年秋齊侯伐我北鄙圍桃 高厚帥師伐我北鄙圍防 冬邾

人伐我南鄙 十八年秋齊師伐我北鄙 二十五年春齊崔杼帥

師伐我北鄙

定七年秋齊國夏師師伐我西鄙 八年夏齊國夏師師伐我西鄙

以上外師伐魯境者十九齊宋陳一齊十二邾三莒三凡外師伐

魯史無不書者比其事而考之則曲直自見無與於書法故不復

詳唯襄十年秋七月楚子囊鄭子耳伐我西鄙不書者蓋伐宋之

師聲言伐魯志在還兵取蕭魯不受兵故不書于策杜云其義未

聞陳云不悉書皆昧於存策書大體之義

僖二十六年春齊人侵我西鄙

文七年夏狄侵我西鄙 十五年秋齊人侵我西鄙 冬齊侯侵我西

鄙

襄十四年夏莒人侵我東鄙

以上外師侵魯境者五僖二十六年書公追齊師至鄆弗及則凡

言侵者皆潛師攻掠而未明矣

襄八年春吳伐我 十一年春齊國書帥師伐我

以上外師伐我者二吳次于泗上行成景伯以城下之盟為齊

師在清魯人欲背城而戰皆伐魯之國都故直言伐我

國外師來戰

二十一年冬十二月丙午齊侯衛侯鄭伯來戰于郎

以上三國之君來戰于魯地者一凡諸侯相侵伐或攻掠或不成

不必皆戰其戰則以主及客以中國及夷狄皆以應兵見之此不

以魯及三國戰直言三國之君來戰乃筆削之旨說在變文篇

國內伐國取田邑言伐言取不用師但言取有來歸之者言天

已滅之國言取不絕其祀不言滅

二十二年正月壬戌公敗宋師于菅辛未取郕辛巳取防

以上公敗外師取二邑者一羣既會鄭伐宋公又親敗宋師故鄭

人得入二邑以歸于我經所以但書魯取而一敗二取皆書日以

異之

二十六年冬公以楚師伐齊取穀三十三年夏公伐邾取訾婁

以上公伐國取邑者二

宣十一年秋公孫歸父帥師伐邾取繹

哀二年春王二月季孫斯叔孫州仇仲孫何忌帥師伐邾取濼東田及

沂西田

以上魯臣伐國取邑者一取田者一昭十年三卿伐莒而取鄆不

書杜氏曰公見討平丘魯諱之定六年公侵鄭而取匡不書杜氏

曰匡歸之晉以非隣國不能有之故也

昭元年三月取鄆

以上取外邑不言伐者一

時叔孫豹會晉楚大夫于

莒人告於會叔孫幾被戮

也義與莒項不言師回

僖三十一年春取濟西田

成二年秋取汶陽田

襄十九年春取邾田自漵水

以上取田者三濟西田受之伯主故不繫曹汶陽田本我地故不繫齊杜氏曰晉使齊還魯故書取不以好得故不言歸邾田在漵水北傳曰晉人執邾悼公以其伐我故取邾田自漵水歸之予我隱八年三月鄭伯使宛來歸祊庚寅我入祊

以上外來歸邑書我入者一鄭來歸祊將以易許田也非師不言入此言入者公羊傳曰難也祊在泰山之下去鄭遠而近魯必鄭人不能有而後歸于魯魯恐其民不服故以兵入焉祊歸我而許田未易豈非以其難與

僖二十二年春公伐邾取須句

文七年春公伐邾三月甲戌取須句

宣四年春公伐莒取向

以上公伐國而取其所滅之小國者三須句風姓國邾人滅之須

句子來奔因成風也僖伐邾取須句而反其君其後邾又滅之故文公伐邾取須句實文公子焉向姜姓國隱二年莒人入向其後為莒滅不見於經傳凡滅國有取而有之者則不書滅以存亡繼絕之義責歸於取之者也故須句不書邾滅向不書莒滅而皆以書取見義惡其為滅國者受惡而始滅之罪不待申言也在存策書大體中為變例之七須句始反其君為附庸則猶未絕其祀故從內取國例後實文公子則遂縣之故書日以異其事

昭四年九月取鄆

以上取已滅之國一傳曰莒亂著丘公立而不撫鄆鄆叛而來故曰取然猶書莒滅鄆者譏在晉也以魯觀鄆世子于魯悼公列鄆人于會而莒卒滅鄆與向須句異矣鄭滅許吳滅徐楚人皆能繼而存之使列于諸侯可以中國而不如夷狄乎或用二傳之說謂昭以前鄆未亡非也

宣九年秋取根牟

成六年春取鄆

襄十三年夏取邾

以上取小國二傳曰邾亂分為四師救邾遂取之此所以不言
趙伯循曰凡得國而不言滅者不絕其祀也按根牟邾傳不言其
故皆曰易也蓋以邾與邾推之

僖十七年夏滅項

以上滅小國者一夷而縣之故直曰滅先儒或謂內諱滅言取者
誤矣滅不書月者間伯主有事與莒滅邾同不言師說在變文篇

百田外取我田邑言取雖我歸之亦言取諱易田言假

宣元年六月齊人取濟西田

昭二十五年十二月齊侯取鄆

哀八年夏齊人取讎及闕

以上外取我田邑者二禮國亡大縣邑公卿大夫士皆厭冠哭於
大廟三日君不舉此取田邑所以必書于策濟西鄆皆言取者一
為魯諱賂一見季孫據國叛君下言公至自齊居于鄆則齊取鄆
以居公可見矣故皆書月以別於讎闕其書伐書取自從外伐取
例見後篇

桓元年三月公會鄭伯于垂鄭伯以璧假許田

以上外以璧假田者一桓公篡位而脩好于鄭卒易枋田許田多
於枋故進璧以請史言璧假諱易許田也公羊傳曰諱取周田也
許田本魯朝宿之邑在王畿之內故曰周田

國外滅國必書不絕其祀言取迫之使服曰降移其民入社稷

曰遷

莊十年冬十月齊師滅讎譚于奔莒十三年夏六月齊人滅遂

僖二十五年春王正月丙午衛侯燹滅邢

襄六年秋莒人滅鄆 十年春公會晉侯宋公衛侯曹伯莒子邾子
子薛伯杞伯小邾子齊世子光會吳子相夏五月甲午遂滅偃陽
定四年夏四月庚辰蔡公孫姓帥師滅沈以沈子嘉歸殺之 六年春
王正月癸亥鄭游速帥師滅許以許男斯歸

以上諸侯滅小國者七八春秋楚滅漢陽諸姬在齊桓未伯前晉
滅耿霍魏在桓伯後皆命皆不及於魯故史不書而齊桓滅諸侯
遂在經為滅國之始陳氏因謂不書晉楚滅國蔽罪於伯主其失
與二傳均矣凡侵伐圍入有筆削者事有輕重也用兵之罪莫大
於滅國者事不相蒙當各正其罪非筆削所加也凡滅國不日滅
吾同宗之國則日會而遂滅日以其君歸日間伯主有事而滅小
國日凡滅國不言君奔者死於位也言以歸者服之也會而遂滅
不言以歸略之也諸異義皆非

宣十五年六月癸卯晉師滅赤狄潞氏以潞子嬰兒歸 十六年春王

正月晉人滅赤狄甲氏及留吁

襄六年十二月齊侯滅萊

昭十七年八月晉荀吳帥師滅陸渾之戎

以上中國滅夷狄者四萊姜姓子爵定十年傳謂萊人為裔夷之
俘蓋東夷也凡滅夷狄雖君將不自以其君歸則日按昭二十年
晉滅肥以肥子綿臯歸二十一年滅鼓以鼓子戲鞮歸皆不書者
鮮虞肥鼓皆自狄也嘗服屬於晉既而肥鼓皆叛晉屬鮮虞非亦
狄潞氏甲氏之比故告命策書皆主伐鮮虞而不及肥鼓之滅其
族微也

僖五年秋楚人滅弦弦子奔黃 十年春狄滅溫溫子奔衛 十二年

夏楚人滅黃

文四年秋楚人滅江 五年秋楚人滅六

宣十二年冬十二月戊寅楚子滅蕭

昭四年秋七月楚子蔡侯陳侯許男頓子胡子沈子淮夷伐吳執齊慶封殺之遂滅賴八年冬十月壬午楚師滅陳十一年冬十一月丁酉楚師滅蔡執蔡世子有以歸用之二十四年冬吳滅巢三十四年冬十二月吳滅徐徐子章羽奔楚

定十四年二月辛巳楚公子結陳公孫佗人帥師滅頓以頓子牂歸十五年二月辛丑楚子滅胡以胡子豹歸

以上夷狄滅中國十三國畿內國一侯國二小國十吳楚本非夷狄以其國於蠻夷僭王猶夏遠而絕之故其初皆以號舉且雖嘗稱爵然伐滅之事皆舉號徐本古之建國以其先嘗僭王故春秋狄之然天子既討其罪不絕其封則亦不可既以夷狄論也故見滅從中國例文十二年楚人圍巢杜註謂巢自楚間小國成七年傳言吳始伐楚伐巢伐徐則巢自見圍後從楚也杜氏於圍巢傳註以為群舒之屬於滅巢註曰楚邑也皆誤劉氏曰巢伯爵國也

本書序策自來朝故從中國例按定五年楚滅唐不書者唐微國又服於楚不得列於諸侯鄭之役傳始見唐侯而經不書柏舉之役從蔡侯吳子伐楚以此見滅無為之告諸侯者故雖侯爵不得比蕭賴也興滅國繼絕世聖人蓋常言之苟見于策無不錄也凡夷狄滅中國小國不月近偪大國則月必大國而後曰雖大國之附庸曰狄滅溫書而晉滅虞不書為變例之八說見六

二十六年秋楚人滅夔以夔子歸

二十六年秋楚人秦人巴人滅庸

二十七年夏楚人滅舒蓼

二十七年冬楚人滅舒庸

二十五年秋楚屈建帥師滅舒蓼

二十三年冬吳滅州來

以上蠻夷相滅者五成七年吳人州來傳曰蠻夷屬於楚者三盡

取之則州來夷國也凡夷狄相滅不月詳略之義著矣

僖三年夏徐人取舒

以上取國一義與內取國同

襄六年夏鄭降于齊師三十年秋七月齊人降鄭

以上降國二以兵迫之使服故不言取不絕其祀故不言滅

莊十年二月宋人遷宿

閔二年春王正月齊人遷陽

以上遷國三疆移其民人社稷於他處而取其地曰遷穀梁傳曰

遷者猶未失其國家以往者也

莊元年冬齊師遷紀邢鄆部

以上以師遷人三邑一徙其民取其地也

百六十九土功無不書都邑備制曰城不備制曰築

隱七年夏城中丘九年夏城郎

桓五年夏城祝丘十六年冬城向

莊二十九年冬城諸及防三十二年春城小穀

僖二年春王正月城楚丘

文七年三月甲戌取須句遂城郟十二年冬季孫行父帥師城諸及

郟

宣八年冬城平陽

成四年冬城鄆九年冬城中城

襄七年夏城費十三年冬城防十五年夏季孫宿叔孫豹帥師城

成郟十九年冬城西郟城武城

定六年冬城中城十四年冬城莒父及霄十五年冬城漆

哀三年夏季孫斯叔孫州仇帥師城啓陽四年夏城西郟五年春

城毗六年春城邾瑕

莊二十八年冬築郟

以上魯城邑二十一城中城二城西郭二城衛邑一築邑一中城
杜氏以為魯邑宋儒本穀梁非外民之說以為魯國都城春秋
百四十餘年魯人無不脩築其國都城郭之理成城中城而後襄
城西郭定城中城而後哀城西郭宋儒說是也小穀左氏以為管
仲之邑宋儒以為魯邑本魯人孫明復之說以魯地有小穀而管
仲所食乃齊之穀也據傳昭十一年申無宇曰齊桓公城郭而
管仲則非魯人所城之小穀明矣城楚丘遷衛也凡伯主之令以
內辭書故特月以別之春城者五夏城者七冬城者十五築者一
城諸及防城諸人輒在十二月繫事之下跨二時也傳曰凡土功
龍見而畢務戒事也火見而致用水昏正而裁日至而畢謂建戌
之月角亢晨見東方畢農務而戒事心星晨見而致築作之物建
亥之月定星昏中而樹板幹日南至而畢功蓋周家使民以時之
制春秋之世魯人日不暇給不能及閒暇脩其保障遇有外憂然

後城要害以備難或為懼晉武備莒邾或帥師而城或
疆家專邑而城之或爭外邑而城之故雖非時而不得顧雖得時
亦不足稱也然冬月興功為多而獨無書秋城者則猶不以盛暑
農事方殷時勞民也左氏唯以書時書不時斷之可謂不揣其本
而齊其末矣凡城必有郭郭樓櫓之制鄙下邑非要害制不備故
曰築與築園同凡會城皆別見

莊三十一年春築臺于郎 夏築臺于薛 秋築臺于秦

成十八年秋築鹿囿

昭九年冬築郎囿

定十二年夏築蛇淵囿

以上築臺者三築園者二莊公一歲中三築臺成盛暑築園其
縱欲勞民可知昭定擁虛器而築園三家分魯而以此娛其君也
策書實錄而駁其明矣

聖元年秋築主姬之館于外

以上築館者一魯與齊為不共戴天之讎又喪未畢而主其昏主姬至魯久矣而齊侯有疑不敢親迎故為築館于外比事考之則當時之情可見

浚川

莊九年冬浚洙

以上浚洙者一洙水在魯城北下合泗乾時戰敗故深之以備齊

隋毀

定十二年夏叔孫州仇帥師隨郈季孫斯仲孫何忌帥師隨費文十六年秋毀泉臺

以上書隨邑者一毀臺者一觀上書圍郈圍費則隨三邑之故可見觀上書夫人薨則毀臺之故可見於毀泉臺見春秋用民力必書啖氏曰毀全除之也隨但損之今不周

新作門觀新既

僖二十年春新作南門

定二年冬十月新作雉門及兩觀

莊二十九年春新延既

以上門觀書新作者二既書新者一言新見有舊言作見有加于前不言作者仍舊制也僖公改作南門不與諸門同雉門兩觀僖天子而不能革故皆書新作延既壞而更之故言新不言作觀其所書之時則時不時可見傳曰凡啓塞從時杜氏謂門戶道橋謂之啓城郭牆塹謂之塞皆官民之開閉不可一日而闕故特隨壞時而治之僖公新作南門非治壞故傳以土功之制譏之蓋左氏但知土功之不時而不知改作之非制經於雉門兩觀特書其異之也凡修舊不書是官官書作而不書者史諱之也

時田用夏時越禮則書

桓四年春正月公狩于郎

莊四年冬公及齊人狩于禚

以上書公狩者二傳曰春蒐夏苗秋獮冬狩此周制四時田獵之名也周書曰周公正三統之義作周月至於敬授民時巡狩丞享猶自夏焉此田祭皆從夏時之證也杜氏曰傳曰鄭之有原圃猶秦之有具囿是諸國各有常狩之處魯狩地大野是也此田獵有常地之說也其禮既有常時其地又有常處故雖公狩不書郎非常狩之地禚在齊境以越禮故書公羊傳曰春曰苗秋曰蒐冬曰狩常事不書此何以書遠也其時田之名雖言之不詳所謂常事不書實史法也自僖文而後歷五公蒐狩違禮皆不書者大夫專

國公不復知軍

政時田得失無足議故雖違禮不書為變例之九

定十三年夏大蒐于比蒲

十四年 大蒐于比蒲

十五年夏大蒐于比蒲 二十二年春大蒐于昌間

二十二年春大蒐于昌間

十四年 大蒐于比蒲

以上書蒐一書大蒐四蒐者春田之名周之春夏寅卯辰之月蒐之為得禮秋興之非禮也昭十一年五月齊歸燕而叔向聞而譏之曰魯公室其卑乎君有大喪國不廢蒐國不忌君君不顧親能無卑乎殆其失國是時三家分魯假春蒐之禮以耀武示疆又與非時非地之蒐不同故悉書之定十四年比蒲之蒐經書邾子來會公則九大蒐皆公在可見而不書公者師乘非後公有史不虛飾也

桓七年春二月己亥焚咸丘

以上火田一杜氏曰譏盡物故書

隱五年春公矢魚于棠

以上觀魚一穀梁傳曰魚單者之事也魚漁通杜訓矢為陳本傳

四十五

言陳魚而觀之言陳漁人之事而觀之也公穀經作觀魚文異事同葉氏朱子訓矢為射本淮南時則訓季冬命漁師始漁天子親往射魚傳曰君舉必書於此可見策書之體

大閱治兵異常

桓六年秋八月壬午大閱

莊八年春王正月甲午治兵

以上書大閱者一治兵者一周制天子因四時之田而教民以武事春曰振旅夏曰麥舍秋曰治兵冬曰大閱天子諸侯四時之田名既不異則教民以武事其禮亦同史所不書桓公以畏齊鄭之故大閱於建未之月莊公以事仇之故治兵於子丑之春與內習武之義不同故特書之傳文以後凡閱治皆不書蓋與前同

軍制作舍

成元年三月作丘甲

以上書作丘甲者一周制四井為邑四邑為丘四丘為甸軍政起於井而成於甸故周官謂甸為乘其車人卒伍之數皆以甸為率也魯至成公以齊難故創制益兵遂毀甸賦而以丘賦與鄭子產作丘賦同故曰作丘甲不曰賦者其制以甲士為主也然損益之數不可考矣

襄十一年春王正月作三軍

昭五年春王正月舍中軍

以上書作三軍者一舍中軍者一吳氏曰周制萬二千五百人為一軍大國三軍次國二軍小國一軍用衆之法無過家一人九一成之地六十四井出賦公田外有五百一十二夫是為一旅之衆二十五成有二十五旅是為一軍之衆大國之地百成除二十五成為大夫采邑等用其七十五成之衆即三軍也魯地方百里其初封之時有三軍後舍其一軍止有二軍作三軍者復舊制也然

其時三家專國非有意於復舊也但借改作之名而分公室之民為私家之民分民既定則復舍中軍矣

宣加賦稅

宣十五年秋初稅畝

哀十二年春用田賦

以上書初稅畝者一用田賦者一通一井言之曰田去公田言之曰畝稅畝者以畝為率也古者井田之法十取其一雖曰井九百畝八家同養公田為九一而助然八家廬舍各二畝半於公田中取之已去二十畝故穀梁謂公田為居井竈葱韭盡取焉家各私百畝公田十畝而已則其實亦十一也至宣公又履其私田之畝復十取其一故哀公曰二吾猶不足則十取二自宣公始也田賦者以田為賦也哀公時既以二為不足故用一井之田為率以歛財物韋氏杜氏皆謂賦其馬牛蓋以古者賦與稅異也然韋氏本

賈侍中云周制十六井賦戎馬一疋牛三頭一井之田而欲出十六井之賦陳氏亦謂使井出丘賦皆本左傳孔子云以丘亦足矣以丘對田為說杜氏謂上賦之法因其田財通出馬一疋牛三頭今欲別其田及家財各為一賦則是以田對財為說未知孰是但外傳又載孔子去先王制土籍田以力而砥其遠邇賦里以入而量其有無任力以大而議其老幼其歲收田一井出稅禾秉芻在米不過是也此與左傳自不同則當時加賦之制不可考矣

宣分器失得

定八年冬盜竊寶玉大弓 九年夏盜竊寶玉大弓

以上寶玉大弓書盜竊者一書得者一公羊傳曰國寶也喪之書得之書蘇子由曰寶玉大弓者禮之分器也

宣肆大眚

莊二十二年春王正月肆大眚

以上肆大書一吳氏曰... 不當... 亦... 也... 故書

國書 亂云不由... 昭二十二年夏王室亂

昭二十二年夏王室亂

以上王朝亂一國云一不由... 昭二十二年傳叔鞅歸言至

國書 亂見辭從主人篇

隱二年文紀子帛莒子盟于密程子曰闕文也春秋未有外大夫在者

氏曰子帛裂繻字蓋杜氏意之季者遂以駁左氏誤矣

桓四年闕秋 七年闕秋冬○以上 十四年夏五闕月字併所繫事

非止闕月字 十七年葬蔡桓侯 杜氏曰攝侯蓋謬誤吳氏曰雖子男之君未有以謚配爵者或曰能請謚非之

莊二十四年冬郭公

昭十年闕冬 三十一年冬黑肱以濫來奔闕郭

定六年冬季孫斯仲孫忌帥師圍郟何忌闕何字

十四年闕冬

以上闕文凡九處三傳同子曰吾猶及史之闕文也蓋夫子平日之言史有闕文尚矣公羊傳曰在側者曰子苟知之何以不革曰如爾所不知何以為脩春秋時語也春秋存策書天體闕文不革示不唯無所損而亦不能益故雖筆削時史而無嫌及其一筆一削萬變不齊而所謂策書大體者自若故曰非聖人莫能脩之

國書 日月注繆

隱元年王正月長歷正月辛巳朔大衍歷正月辛亥朔大庚申冬至

視大衍歷前後差一日以傳五月辛丑十月庚申考之則正月朔辛亥故杜預遷就以辛巳為朔若從辛巳則冬至不在正月

閏只在今年而杜氏考之不詳亦孔氏曰古歷十九年為一章

七閏入章三年閏九月六年閏六月九年閏三月十一月

十四年閏八月十七年閏四月十九年閏十二月此據元首初章

於後漸積餘分大率三十二年則置閏不必恒同初章閏月五年

正月辛亥朔日南至治歷者皆以彼為章首之歲杜氏為長曆置閏

歷過昭二十年二月己丑日南至哀十二年十二月
 司歷過則春秋之世歷法錯失所置閏月或先或後不與常同
 勤經傳上下日月以為長歷若日月同者則數年不置閏月若日月
 不同須置閏乃同者則未滿三十二月類置閏所以異於常歷也
 例云春秋日有類月而食者有曠年不食者理不得一一如算以
 恒數故歷無有不失也故當備經傳日月以考晦朔以推時驗未
 得天蓋春秋當時之歷也今按長歷得夫孔氏言之已詳推驗未
 十年二月日南至則冬至差一月在周歷不足為異長歷於當時之
 歷未必盡合然杜氏考經
 二年八月庚辰長歷八月壬寅朔無食
 之志學者不可不知也
 三年三月己巳日有食之三月庚戌四月
 是年閏十一月
 辛卯八月庚辰十二月癸未
 日食庚戌在四月辛卯在五月八
 月丙申大庚辰在九月十二月甲申大癸未未
 二月朔日食孔氏曰漢書律歷志載劉歆三統之術以為五月二十
 三分月之二十乃為一支以為交在望前朔則日食望則月食交在
 望後望則月食後月朔則日食交正在朔則日食既前後望不食交
 正在望則月食既前後朔不食日食者月掩之也日月之道互相出
 入或日在日表從外而入內或月在日裏從內而出外道有交錯故
 日食也朔則交會故食必在朔自應元年盡哀二十七年積三千一
 百三十四月唯三十七食杜氏曰日月動物雖行度有大暈不能不
 小有盈縮故有難交會而不食者或有類交而食者今按二歷所考
 春秋日食多不入食限者由歷法有疎密入食限而日月掩不合者
 置閏不
 四年三月戊申長歷戊申三月十七日今按前年十二
 同故也

者中是史
 文差謬
 五年長歷閏十二月
 六年五月辛酉
 七年長歷閏八月
 八年六月己亥
 辛亥七月庚午
 九月辛
 卯大術歷閏四月五月己亥小己亥辛亥在此月六
 卯月戊辰大庚午在此月八月丁卯大辛卯在此月
 酉庚辰大術歷三月甲午小癸酉庚
 月壬辰大術歷閏正月七月庚戌大壬午在
 桓元年四月丁未大術歷四月丙子大丁未在
 四月戊申長歷戊申五月十日大術歷四月庚午大戊申在五
 月是歲閏九月今按正月有戊申則四月不得有戊申
 三年七月壬辰朔日有食之既大術歷七月癸亥小
 戊長歷正月甲申己丑大術曆正月乙卯小己卯
 朔月內無甲戌己丑冬至己丑在二月閏六月
 六年八月壬
 午九月丁卯大術歷八月乙巳大壬午在九
 歷二月壬寅大己亥在三
 未小丁丑
 十年正月庚申大術歷正月乙酉大乙巳冬
 在六月
 十二年六月壬寅七月丁亥
 大術歷六月辛未大
 寅在七月七月辛丑
 九又六十八

丁亥在八月主辰長歷八月無壬辰七
 丁未大術歷十月乙巳大丙戌在此
 己巳大術歷七月十四年八月壬申乙亥十二月丁巳大術歷八月
 乙亥在九月十月十二月丙戌大丁巳
 在十一月朔及明年正月二日
 大術歷三月乙卯大乙未在此
 月四月乙酉小己巳在五月
 辰大術歷正月乙亥小壬
 有兩不得
 六月丁丑在七月八月
 辛丑大癸巳在九月
 一月庚午
 小朔日食
 酉大丙子在五月
 月丁酉在六月
 十二月己丑大術歷十二月癸巳大
 莊元年長歷閏十月大
 術歷閏正月
 二年十二月乙酉大術歷十二月壬
 國大術歷閏九月
 四年六月乙丑大術歷六月癸酉大乙丑
 在此月長歷是年閏四月
 六年大術
 月五年
 七年長歷閏四月
 八年壬正月甲午
 十一月癸未大術歷正月
 壬子大巳

冬至甲午在二月十一月
 戊申小癸未在此月
 術歷十一月
 十二月八月甲午大術歷八月丙辰
 小甲午在九月
 十四年長歷閏五月
 月閏八
 十七年長歷閏六月大
 術歷閏四月
 十八年壬三月日有食之長歷三月
 朔不入食限大術歷三月癸丑大四月癸未小五月壬子大日食宋
 劉孝孫同沈氏括曰春秋日食三十六後世歷家推驗精者不過二
 十六本朝衛朴得三十五獨第
 十八年三月古今等不入食法
 二十二年七月丙申大術歷七月
 戊午大丙申
 在八月
 二十四年八月丁丑
 戊寅大術歷八月丙午大丁丑
 寅在九月長歷是年閏七月
 二十五五年五月癸丑
 六月辛未朔日有食之大術歷五月壬
 申大六月壬寅
 小癸丑在六月閏
 月辛未大日食
 二十八壬三月甲寅大術歷二月丙辰大閏
 日長曆是年閏二
 二十九長歷閏二月
 八月癸亥大術歷八月辛
 未大癸亥在九
 月甲寅三月晦日
 九月庚午朔日有食之大術歷九月辛丑小
 十月庚午大日食
 三十年八月癸
 亥九月庚午朔日有食之大術歷八月辛未大九月辛丑小癸亥
 在此月十月庚午大日食閏十一月長
 是年
 三十二年七月癸巳
 八月癸亥
 十月己未大術歷
 八月庚寅小十月己丑小癸巳在八月癸亥
 在九月己未在此月長歷是年閏三月

春秋傳卷七
 九十四十五

閏元年六月辛酉大街歷六月乙酉大二年八月辛丑大街歷八月
在九月長歷是年閏五月

僖元年七月戊辰 十月壬午大街歷七月癸酉小戊辰在八月十月

月二年大街歷五月五年傳王正月辛亥日南至大街歷正月癸

十二月長歷閏十一月八年長歷是年又九年七月

乙酉長歷七月無乙酉二日十年閏六月十二年壬三月庚午日

有食之大街歷三月辛未小五月庚十二月丁丑長歷十二月乙

申大丁丑大街歷十一月丙十三年閏二月十四年八月辛卯

小辛卯在九月十五年五月日有食之長歷五月壬子朔不入

大日食五 九月己卯晦大街歷九月辛巳小己卯十七年閏十

月癸未小 十八年五月戊寅大街歷五月乙未八月丁亥長歷八月癸

閏七月二十四日九月二十五日大街歷二十年五月乙巳大街歷

丑大乙巳在六月二十一年閏四月二十四年長歷閏四月大

長歷是年閏二月 二十二年閏四月 二十三年閏二月

二十五年長歷閏 二十六年壬正月己未大街歷正月辛巳小

九月 二十七年八月乙巳長歷八月無乙巳乙巳九月六日大

十九年閏六月 三十年長歷閏 三十二年四月己丑 十二月

己卯大街歷閏三月乙巳小己卯在三月 三十年四月辛巳 癸巳

大街歷三月己巳小 辛巳癸巳皆在此月

文元年二月癸亥朔日有食之大街歷三月甲午小三月癸亥大日食

孔氏曰漢書律歷志云文公元年距僖五年辛亥二十九歲是歲閏
餘十三閏當在十一月後今三月已即置閏是嫌閏月大近前也
以為僖三十年閏九月文二年閏正月故言於歷法閏當在僖公
末年誤於今年置閏嫌置閏大近後也大街歷是年閏十二月

二年壬正月甲子 丁丑長歷閏正月大四年

長歷閏三月 六年閏月長歷閏十二月經公說曰按歷法是年

七年三月甲戌 四月戊子大街歷二月己未小甲戌在此

年八月戊申長歷閏七月 九月癸酉長歷閏九月甲辰小

十二年長歷閏十一月 十三年五月壬午 十二月己丑大街歷

十五 九三十八月

宣三年壬子月壬子大術歷正月甲辰小癸亥冬至壬子在此 三年
十月丙戌大術歷九月甲子 四年六月乙酉大術歷五月庚申
五年大術歷八月 六年長歷閏五月 八年七月甲子日有食之既長歷七月

六月癸酉大術歷閏二月甲申小戌戌 十六年長歷閏五月 十八年五月戊戌
宣二年壬子月壬子大術歷正月甲辰小癸亥冬至壬子在此 三年
十月丙戌大術歷九月甲子 四年六月乙酉大術歷五月庚申

五年大術歷八月 六年長歷閏五月 八年七月甲子日有食之既長歷七月
宣三年壬子月壬子大術歷正月甲辰小癸亥冬至壬子在此 三年
十月丙戌大術歷九月甲子 四年六月乙酉大術歷五月庚申

宣二年壬子月壬子大術歷正月甲辰小癸亥冬至壬子在此 三年
十月丙戌大術歷九月甲子 四年六月乙酉大術歷五月庚申

宣元年長歷閏三月 二年四月丙戌長歷丙戌 八月庚寅長歷九月
宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

宣元年長歷閏三月 二年四月丙戌長歷丙戌 八月庚寅長歷九月

長曆閏 七年十月壬戌 大術歷閏八月壬申 大九九月壬寅 九年

十二月己亥 傳十一月己亥 同盟于戲 十二月長曆參校上 下此年不

得月閏月戊寅 戊寅是十二月二十日 疑閏月當為門五日 五字上

與門合為閏 則後學若自然 轉日為月 長曆十一月庚寅 朔已亥十

日大術歷十一月己 十年五月甲午 大術歷閏四月丁亥 小甲午

十一 年 傳九月諸侯悉師以復 伐鄭甲戌 晉趙武入盟 鄭伯與子

之 今按經傳時月互異者不一 或史即赴時書之 或傳所據義疏

錄不與經合 若諸侯之會無國不記 故傳於此年之事 自四月己亥

以後所書日月 甚詳 經書七月己未 盟于亳 城北 後有公至 自會楚

子鄭伯伐宋 二事 則諸侯再伐 鄭在九月 經例不書月 傳固與經不

異 鄭受伐乃使良霄如楚 諸侯觀兵 鄭棠門 鄭人行成 又晉鄭交洸

盟已不得復 在九月 况澠盟後始退 師為蕭魚之會 豈復一月 中事

乎 蓋下文冬字 當在會于 蕭魚上 不知何由致誤也 十三年 大術歷閏正月 十五年八月

丁巳 日有之 長曆七月丁巳 朔 十一月癸亥 大術歷閏十月乙

十六年三月戊寅 五月甲子 大術歷二月癸丑 小戊寅 在此月四

月十八年 大術歷閏六月 十九年七月辛卯 八月丙辰 大術歷七月

傳五月壬辰 晦齊靈公卒 杜氏曰 光定位而後赴 九月 二十一年十

月庚辰 朔日有食之 大術歷閏二月甲申 小九月庚戌 朔日食十月

閏八 二十三年 大術歷閏十二月 二十四年八月癸巳 朔日有食之 大

歷七月甲子 朔日食八月癸巳 朔日在黃道星二度 弱非食限長 歷

是年閏三月孔氏曰 二十一年九月十月 朔日食此年七月八月

朔月日食九交前十五度 交後十五度 並是食竟去交遠 則日食漸

少 去交近 則日食漸多 正當交則日食既 若前月在交初一度 日食

則至後月之朔 猶在交之末度 未出食竟 月行天既 而來及於日食

可更食 若前日在交初二度 以後則後月復食 無理今七月日食

既而八月又食於推步之術 必無此理 劉焯以為日月共盡一體 日

食少則月食多 日食多則月食少 日食盡則前後望月不食 月食盡

則前後朔日不食 以其交道既不相掩 故也 此與二十一年朔日

日食理必不然 疑古書歷世遠 轉寫失真 又曰 戰國及秦歷紀全

廢 漢來測候 天時始造 其術劉焯以為五月二十三 分月之二十五

日一食 望得食日 而不得加時 漢末會稽都尉劉洪 作乾象歷 始

月行遲疾 求日食加時 後代情之漸益 嚴密推步 日食莫不符 合但

無須月食法 故為歷者 皆十月十三日 有餘而始一交 會未有類

月食者 漢高祖常而積久 不月十一月 晦日類食 則日有類食之

理 今按日月交會 常而積久 不月十一月 晦日類食 則日有類食之

日長景短 日或失日 食是漢初 巧歷有不能盡其變者 漢文帝三年

十月晦十一日 晦也 孔氏於襄 初三十 年中類食者 再後世乃未嘗

此固不可以常 真與隱三年 正義自相違失 杜注之旨 二十

五年八月己巳 傳七月己巳 同盟于戲 六月有壬子 則八月不待有己巳

五年八月己巳 傳七月己巳 同盟于戲 六月有壬子 則八月不待有己巳

五年八月己巳 傳七月己巳 同盟于戲 六月有壬子 則八月不待有己巳

二十六年三月甲寅朔長曆閏八月
二十七年冬十二月乙亥朔

日有食之 傳曰十一月乙亥朔日有食之辰在申故知通失國也若十二月

則為三大國故知通失國也若十二月則為三大國故知通失國也若十二月

未朔至壬申七月戊寅至乙酉九月有庚辰辛巳則乙亥朔日有食之辰在申故知通失國也若十二月

十二月乙未 長曆十二月乙未朔日有食之辰在申故知通失國也若十二月

昭元年六月丁巳 大術歷閏正月庚戌大五 十一月己酉 長曆十一月

己酉十二月六月六日傳十二月 三年大術歷閏九月 四年長曆閏四月

閏七月大術 八年十月壬午 大術歷十月丙申小壬午在 六年長曆

閏三月 十年七月戊子 長曆七月庚子 十一月大術歷閏八月 九年

年三月壬申 長曆是年閏正月 十三年四月 傳五月癸亥王鑿于辛

五月二十六日 十四年大術歷閏七月 十五年六月丁巳朔日有食之

大術歷五月丁巳大朔 十七年六月甲戌朔日有食之 大術歷五月

日食長曆是年閏九月 大術歷五月丁巳大朔 十七年六月甲戌朔日有食之

大日食黃道婁四度閏月丙子小 十八年長曆閏正月 二十年 傳五月

六月乙巳大非食限甲戌九月朔 日南至三統歷正月己丑朔旦冬至杜氏曰是歲朔旦冬至之歲也

時史失閏閏更在二月後故傳於二月記南至日以正歷也大術歷

正月辛酉小己丑冬至至閏二月庚申小長曆是年閏八月與傳合 二十一年七月壬申朔日有食

之 大術歷七月丙子小閏十月甲戌大十 二十二年冬十月 傳十

乙酉壬子猛卒杜氏 十二月癸酉朔日有食之 長曆十一月小甲

日己丑十六日十一月大癸卯朔傳庚戌八日閏月癸酉朔傳辛丑

二十九日杜氏曰此月有庚戌又以長曆推校前後當為癸卯朔

癸酉誤孔氏曰庚戌上去癸酉三十七日若此月癸酉朔其月不

有庚戌又傳十二月下有閏月辛丑辛丑是壬寅之前日二十三

傳曰正月壬寅朔二師圍郊則辛丑是閏月之晦也又計明年正月

之朔與今年十二月中有 一閏相去當為五十九日此年十二月

為癸卯朔經書癸酉明是誤 二十四年八月丁酉 大術歷八月

也 大術歷閏十月甲戌大 二十五五年九月己亥 十月戊辰

月今按五月朔乙未則八月不 得 有 丁酉長曆丁酉九月五日

十一月己亥 大術歷六月己丑小八月戊子小九月丁巳大十月


己亥在十月長曆 二十八年四月丙戌 大術歷閏三月癸酉

是年閏十二月 三十一年六月庚辰 大術歷五月庚申大庚辰在此月

月 三十一年六月庚辰 大術歷五月庚申大庚辰在此月

率議之但長歷視大衍歷少六閏自隱二年至宣十年三失閏自
成末年至春秋之終復三失閏果若是四時寒暑皆當各多不但
以申為戌而已恐周歷雖差未必如是之繆按經傳有曠數年不
書日者前後屢見之長歷於此既無所據豈能無失至言曠置兩
閏以應天正則臆決尤甚故說者疑焉今姑取其所考日月以證
史文之誤附于闕文後蓋三傳異師而日月之誤不殊有非筆削
後轉寫失真者矣併及大衍歷者所以見周歷置閏無準致日月
不與天合如傳所記日南至在二月則雖曰建子而實亥十一月
火猶西流則雖曰建戌而實申也然孔子於十二月益嘗譏司歷
之過而春秋日食不書朔日乃獨致辨於交朔之不合者閏餘之
夫易見而交朔之繆難知易見者有不勝議而難知者非驗諸日
食則莫能得其正也春秋存策書之大體諸越禮亡法不待辨而
明者皆有筆而無削譏之不可勝議也述作有體要撥亂有先後

周禮未亡文武之政布在方策春秋之義行君臣父子中國夷狄
一及於正禮樂征伐自天子出脩廢舉墜而已



春和春皇台卷一

三

